

梅村家藏藁

梅村家藏藁卷第二

詩前集二

七言古詩二十八首

行路難一十八首

奉君乘鸞明月之美扇耶谿赤堇之寶刀莞莢桃笙之綺席陽阿激楚之洞蕭丈夫得意早行樂歌舞任俠稱人豪舉杯一歌行路難酒闌鐘歇風蕭蕭

其二

長安巧工製名燈七龍五鳳光層層中有青熒之朱火下有映徹之澄水游魚揚鬚肆淺濶飛鳥奮翼思騫騰黑風吹來徧槐市狂花振落燒觚稜金吾之威不能禁鐵柱倒塌銅盤傾使人策馬不能去青燐鬼哭唯空城

其三

君不見無須將閭叫呼天賜錢請葬驪山邊父爲萬乘子黔首不得耕種咸陽田君不見金墉城頭高百尺河間成都弄刀戟草木萌芽殺長沙狂風烈烈吹枯骨人生骨肉那可保富貴榮華幾時好龍子作事非尋常

衷爭梨天下擾金床玉几不得眠一朝零落同秋草

其四

愁思忽不樂乃上咸陽橋盤躑躅獸勢相齧咿呀口鼻吞崩溝當時平明
出萬騎馬蹄蹀躞何逍遙長安冠蓋一朝改紫裘意氣非吾曹柴車辟易
伏道畔舍人辭去妻孥嘲人生太行起面前何必褒斜棧閣崎嶇高

其五

君不見南山松柏何葱菁於世無害人無爭斧聲丁丁滿崖谷不知其下
何王陵玉箱夜出寶衣盡冬青葉落吹魚燈石馬無聲缺左耳豐碑倒折
纏枯藤當時公卿再拜下車過今朝蔓草居人畊

其六

漢家身毒鏡大如八銖錢蒲桃錦囊雖黯澹盤龍碗轉絲結連云是宣皇
母后物摩挲愛惜宮中傳土花埋沒今千年對此撫几長嘆息金張許史
皆徒然

其七

君不見黃河之水從天來一朝乃沒梁王臺梁王臺成高崔嵬禁門平日

車如雷千尺金堤壞百里嚴城開君臣將相竟安在化爲白黿與黃能乃知水可亡人國昆明刳灰何如哉

其八

男兒讀書良不惡眉首殘編務穿鑿窮年矻矻竟無成徒使聲華受蕭索君不見王令文章今大進丘公官退才亦盡寂寂齋居自著書太立奇字無人問

其九

伏軾說人主談笑稱上客一見賜黃金再見賜白璧夜半宮中獨召見母弟通侯皆避席上殿批逆鱗下殿犯貴戚犀首進譏譖韓非受指摘夜走函谷關遂巡不能出君不見范睢折脇懲前事身退功成歸蔡澤

其十

君不見鄭莊洗沐從知交傾身置驛長安郊又不見任君談辭接後進冠蓋從游數百乘人生盛名致賓客失勢人情諒非昔年少停車莫掃門故人行酒誰離席

其十一

直諫好言事召見拜司隸彈劾中黃門鯁切無所避天子初見容謂是敢
言吏以茲增感激居官厲鋒氣奏對金商門縛下都船獄髡頭徙朔方衆
怒猶不足私劍揣其喉赤車再收族橫尸都亭前妻子不敢哭酒色作直
都殺人藏頭畏尾徒碌碌

其十二

拔劍橫左膝瞋目悲歌向坐客我初從軍縛袴褶手擊黃塵弓霹靂生來
不識官家貴帶甲持兵但長揖驅馬來中原尙書奏功級前庭論爵賞後
殿賜飲食烏巖家兒坐我上壤坐爭言多酒失御史彈文讀且糾待罪驚
憂不敢出還君絳袖兩當衫歸去射獵終南山

其十三

平生俠游尙輕利劇孟爲兄灌夫弟使酒罵坐人探丸斫俗吏流血都市
中追兵數十騎借問追者誰云是灞陵杜穉季抽矢弗射是故人兩馬相
逢互交臂吾徒豈相厄便當從此逝泰山羊氏能藏跡北海孫公堪避世
複壁埋名二十年赦書却下咸陽尉歸來故鄉無負郭破家結客成何濟

其十四

今我思出門圖作雒陽賈東游陳鄭北齊魯白璧一雙交王公明珠十斛
買歌舞關中輜車方算緡高艚幾幾下荆楚道阻淮南兵貨折河東估朝
爲猗頓暮黔婁乞食吹簫還故土

其十五

丈夫少年使絕域從行吏士交河卒布衣功拜甘泉侯獨護高車四十國
蒲萄美酒樽中醉汗血名動帳前立富貴歸故鄉上書乞骸骨漢使遮玉
關不遣將軍入軍中夜唱行路難條支海上秋風急

其十六

西莫過金牛關懸崖鐵鎖猿猴攀南莫過惡道灘盤渦利石戈矛攢猩猩
啼兮杜鵑叫落日青楓山鬼嘯篁竹深巖不見天我所悲兮在遠道

其十七

結帶理流蘇流蘇紛亂不能理當時羅帷鑒明月皎皎容華若桃李一自
君出門深閨厭羅綺有人附書還君到長千里名都鶯花發皓齒知君眷
眷嬋娟子太行之山黃河水君心不測竟如此寄君翡翠之鸞釵傅璣之
墮珥勸君歸來且歡喜卧疾空床爲君起

其十八

吾將老焉惟糟丘裸身大笑輕王侯禮法之士憎如讐此中未得逍遙游
不如飲一斗頽然便就醉執法在前無所畏君不見嵇生幽憤阮生哭箕
踞狂呼不得意

殿上行

殿上雲旗天半出夾陛無聲手攀直有旨傳呼召集賢左右公卿少顏色
公卿繇來畏廷議上殿叩頭輒心悸吾丘發策詘平津未斥齊人慚汲尉
先生侍從垂金魚退直且上庖西書況今慷慨復遑惜不爾何以乘朝車
秦京盜賊雜風雨梁宋丘墟長沮洳降人數部花門留抽騎千人桂林戍
至尊宵旰誰分憂挾彈求鳳高塘謀老臣自詣都詔獄逐客新辭鵲鵲樓
先生翻然氣填臆口讀彈文叱安石期門將軍鬣戟張側足聞之退股栗
吾聞孝宗宰執何其賢劉公大夏戴公珊夾城日移對便殿造膝密語爲
艱難如今公卿習唯唯唯長跪不言而已矣黃絲歷亂朱絲直秋蟲踴曲秋
雕起嗚呼拾遺指佞乃史臣優容愚慙天王仁

雒陽行

詔書早洗雒陽塵叔父如王有幾人先帝玉符分愛子西京銅狄泣王孫
白頭宮監鋤荆棘曾在華清內承直遭亂城頭烏夜啼四十年來事堪憶
神皇倚瑟楚歌時百子池邊嫋柳絲早見鴻飛四海翼可憐花發萬年枝
銅扉未啟牽衣諫銀箭初殘淚如霰幾年不省公車章從來數罷昭陽宴
骨肉終全異母恩功名徒付上書人貴彊無取諸侯相調護何關老大臣
萬歲千秋相訣絕青雀投懷玉魚別昭丘煙草自蒼茫湯殿香泉暗鳴咽
析圭分土上東門寶轂難輪九陌塵驪山西去辭溫室渭水東流別任城
少室峰頭寫桐漆靈光殿就張琴瑟願王保此黃髮期誰料遭逢黑山賊
嗟乎龍種誠足憐母愛子抱非徒然江夏漫裁修柏賦東阿徒詠豆其篇
我朝家法踰前制兩宮父子無遺議廷論繇來責佞夫國恩自是優如意
萬家湯沐啓周京千騎旌旗給羽林總爲先朝憐白象豈知今日誤黃巾
鄒枚客館傷狐兔燕趙歌樓散煙霧茂陵西築望思臺月落青楓不知路
今皇興念總帷哀流涕黃封手自裁殿內遂停三部伎宮中爲設八閭齋
東薪流水王人戍太牢加璧通侯祭帝子魂歸南浦雲玉妃淚灑東平樹
北風吹雨故宮寒重見新王受詔還唯有千尋舊松栝照人落落嵩高山

畫蘭曲

畫蘭女子年十五生小琵琶怨春雨記得妝成一見時手撥簾帷便爾汝
蜀紙當窻寫晚蘭口脂香動入毫端腕輕染黛添芽易釧重舒衫放葉難
似能不能得花意花亦如人吐猶未珍惜沉吟取格時看人只道儂家矧
橫披側出影重重取次腰肢向背同昨日一枝芳砌上折來雙鬢鏡臺中
玉指纔停弄絃索漫攏輕調似花弱殷勤彈到別離聲雨雨風風聽花落
花落亭臯白露溥舊根易土護新寒可憐明月河邊種移入東風碧玉欄
聞道羅幃怨離索麝煤鵝絹閒嘗作又云憔悴非昔時筆牀翡翠多零落
今年掛幃洞庭舟柳暗桑濃罨綺樓度曲佳人遮鈿扇知書侍女下瓊鈎
主人邀我圖山色宣索傳來畫蘭筆輕移牙尺見勻牋側偃銀毫憐吮墨
席上回眸惜雁筭醉中適口認魚羹茶香黯淡知吾性車馬雍容是故情
常時對面憂吾瘦淺立斜窺訝依舊好將獨語過黃昏誰堪幽夢牽羅袖
歸來開篋簡啼痕腸斷生綃點染眞何似杜陵春禊飲樂游原上采蘭人
清風使節圖吾郡先達徐仲山中丞以武部郎奉命封鄭藩當時
諸賢贈行作也中丞於先叅政爲同年勿齋先生屬予記其事

勿齋勅使益府子亦有大梁之役兩家子弟述先志揚祖德其
同此君歲寒矣

豫章夾日吟高風巖久蟠根造物功吾祖先朝豫州牧早年納節東溪翁
舅家仲圭擅畫竹歸老山莊看亦足至今遺墨滿縑緙掛我青溪草堂曲
此圖念出同年生當時意氣稱徐卿非買玉環思適鄭暫持翠節解司兵
吾祖一麾方出守不獲諸公同載酒把臂曾看韋曲花贈行不及漳河柳
誰人尺幅寫貧簪影入清郎四牡裝千里故園存苦節百年舊澤養新篁
今皇命使臨江右絳旛人識中丞後江左龍孫篠簜長洪閭鳳質琅玕瘦
寡谷千尋鸞鳥呼彭城一派雨風多願將十丈鵝溪絹再作青青玉荀圖

悲滕城

悲滕城滕人牧羊川之濱雨工矯步趨其羣河魚大上從風雲去山一尺
雷殷殷寺前鐵鐸多死聲日暮雞犬慘不鳴城上掌事報二更鬼馬踏霧
東南行鼓音隆隆非甲兵吁嗟龍伯何不仁大水湯湯滔吾民城中竿瑟
不復陳竊帶之價高錦純路骨藉藉無主名葬者死生俱未明悲滕城滕
城訛言晝夜驚百尺危巖浮車輪海民投網獲金鑑巫見赤章賽水神溝

人匠氏修防門

贈范司馬質公借錢職方大鶴

國家司馬推南中直節不撓三原公當時江東尙無事憂國惟聞劄子至
一月不見王公書百僚爭問江東使前有三原今吳橋范公赤舄來東郊
太尉五兵分二閫司戎三士領諸曹殿中錢郎最年少輕裘長鉞秦淮道
朝服常薰女史香從戎好側參軍帽兩人置酒登新亭惆悵中原未釋兵
盡道石城開北府何如漢水任南征錢郎意氣酣杯酒不憂賊來憂賊走
鼓吹先移幕府山戈船早斷濡須口罷官爲失平津侯壯心空繫月氏頭
入公草木軍容在六代煙霞詩卷收是時羽書正旁午尙書杖鉞防江楚
早歲曾提宣武軍舊人自效龍驤伍麾下爭看金僕姑帳前立直銀刀都
諮謀雖少周公瑾跳盪猶有蕭摩訶尙書當念安危計感時又忤爲臺議
三公劍履且辭歸九河烽火家何處干人曾役羽林軍短轡還過司馬門
鄉夢自依宜德里郊居且卜石塘村落日簾帷呼碧玉琵琶莫唱歸飛曲
丈夫四海猶比鄰何必思家數車載醉後悲歌涕淚橫北風吹雨入江聲
白蘋鵬望思公子黃菊登高憶故人錢郎擊舟再相見芙蓉堂下開檀櫺

去日將軍解佩刀，重來歌妓低團扇。仍道朝廷思令公，璽書旦夕下山東。
過江願請三千騎，奪取樓蘭不受封。

襄陽樂

襄陽之樂乃在漢水廣，峴山高，英宗復辟襄王朝，賜以二賦，親合毫此賦。
不從人間來，楚雲一片飛蕭韶。大堤花，檀溪竹，襄王歸就章華宿，高齋學
士宜城酒。江臯遊女銅鞮曲，前有白尚書，後有原侍郎，虎符討賊臨襄江。
千里清盪開，郎房節使不數杜常陽。宗子足掩曹成王，百餘年來亂再起。
青袍白馬來，秦倉吾聞襄陽城北七十二峰削，天半中有黑帝時。白玉爲
階，彤黃金爲宮，觀曾佐真人起，冀方今日王師下。江漢江漢耀兵逍遙歌，
祝釐祠下諸軍過，廟中燕王破陣樂。襄陽小兒舞，傞傞新都護，稱相公知
畧，輻輳承明宮。帶刀六郡良家從，相公來車如風飛，龍廐馬青絲，鬃襄王
置酒雲臺中。賊騎已滿清泥東，嗟乎呼鷹臺畔生荆棘，斬蛇渚內波濤立。
夜半城門門牡開，蒲胥劍履知何及。襄陽之樂乃在漢水廣，峴山高，故宮
落日風蕭蕭。

高麗行

安東都護營河朔特許高麗市弓角野人七姓海西塵開城八道江南樂
敵關還蹙董山師拜表先陳瓦刺詞諸部皆分大傳薩國人共事莫離支
承天門前常引見三年加勞中嘗宴折巾屈紛幕華樓龍笙狼筆來賓院
漢城無復憂毛憐吹蘆簞策檀君前三十六島島兵起先皇趣救車三千
遼人頭裏夫餘布將軍履及楊花渡一戰功收合市城萬家粟輓襄平路
此事由來四十年君倚漢使真如天陳湯已去定遠死一朝羽檄愁烽煙
榆關早斷三韓道蒲海難通百濟船嗚呼東方君子不死國堪嗟漸漸玄
菟麥豈甘侯印下勾驪終望王師右碣石

三松老人歌

三松老人七十一箬帽棕鞋神奕奕座上支頤避世翁少年走馬長安客
長安此日車如風十人五人衣衫同賣術黃銀殷七七搗筆翠袖張紅紅
西苑樓臺飛百尺洛陽賈人進花石宣政門開候賜錢杜陵日暮分曹弈
大編十丈封黃羅強環一寸如清臚纖鬬先呈尙衣局飾瑞共宴賣珠胡
二月高梁走燕九小兒緣樅女射柳馬客虬鬚笑繫鞭蛾姬輔膺呼嘗酒
賀老琵琶李蕃笛興慶樓前初下直曲曲新聲我輩聞五侯宣索知何及

玉河歸騎景陽鐘。曳綰乘肥勝日中。醉值金吾爭道過。將軍司隸與錢通。
二十年來重到此。不見當年遊俠子。南陌朝催架錢西山夜。拾回中矢
老夫淒落復何求。寒笛江潭獨倚樓。一身結客半天下。萬里歸來空白頭。
送志衍入蜀

去年秋山好。君走燕雲道。今年春山青。君去錦官城。秋山春山何處可。爲
別把酒欲問橫塘月。人影將分花影稀。鐘聲初動簫聲咽。我昔讀書君南
樓。夜寒擁被譚九州。動足下床有萬里。駕馬伏櫪非吾儔。當時東國賤男
子。傲岸平生已如此。今朝乘傳下西川。賁戶巴人負弓矢。黃牛喘怒溪銀
灣。崩剝蒼崖化迹勞。石斷忽穿風雨過。山深日見魚龍高。江頭老槎偃千
尺。接手猿猴擲橡栗。雲移斷壁層波見。月上危灘遠峯出。縹緲樓臺白帝
城。月明吹角唱花卿。棧連子午愁烽堠。水落東南洗甲兵。摩訶池上清明
火。鷓鴣山下巴渝舞。豈有居人浣百花。依然風俗輸銅鼓。有日登臨感客
游。楚天飛夢入江樓。五湖歸思蒼波濶。十月懷人木末愁。別時曾折閬門
柳。相思應寄郛筒酒。末下鹽豉誰共嘗。蜀中蒟醬君知否。愧予王粲老江
潭。愁絕空山響杜鵑。乞我懷西園數畝。依君好種灌溪田。

梅村家藏彙卷第二終

梅村家藏藁卷第三

詩前集三

七言古詩二十三首

永和宮詞

揚州明月杜陵花，夾道香塵迎麗華。
舊宅江都飛燕井，新侯關內武安家。
雅步纖腰初召入，鈿合金釵定情日。
豐容盛鬋固無雙，蹴鞠彈碁復第一。
上林花鳥寫生綃，禁本鍾王點素毫。
楊柳風微春試馬，梧桐露冷暮吹簫。
君王宵旰無歡思，宮門夜半傳封事。
玉几金牀少晏眠，陳娥衛嬖誰頻侍。
貴妃明慧獨承恩，宜笑宜愁慰至尊。
結齒不呈微索問，蛾眉欲蹙又溫存。
本朝家法脩清燕，房帷久絕珍奇薦。
敕使惟追陽羨茶，內人數減昭陽膳。
維揚服製擅江南，小閣爐烟沉水含。
私買瓊花新樣錦，自修水遞進黃柑。
中宮調得君王意，銀鑲不如溫成貴。
早日艱難護大家，比來歡笑同良娣。
奉使龍樓買佩蘭，往還偶失兩宮歡。
雖云樊嫔能辭令，欲得昭儀喜怒難。
綠綈小字書成印，瓊函自署充華進。
請罪長教聖主憐，含辭欲得君王愠。
君王內顧惜傾城，故劍還存敵體恩。
手詔玉人蒙詰問，自來階下拭啼痕。

外家官拜金吾尉平生游俠多輕利縛客因催博進錢當筵便殺彈箏伎
 班姬才調左姬賢霍氏驕奢竇氏專涕泣微聞椒殿詔笑譚豪奪滿陵田
 有司奏削將軍俸貴人冷落宮車夢永巷傳聞去玩花景利門裏誰陪從
 天顏不懌侍人愁后促黃門召共游初勸官家伴不應玉車早到殿西頭
 兩王最小牽衣戲長者讀書少者弟聞道羣臣譽定陶獨將多病憐如意
 豈有神君語帳中漫云王母降離宮巫陽莫救蒼舒恨金鎖彫殘玉筋紅
 從此君王慘不樂叢臺置酒風蕭索已報河南失數州況經少子傷零落
 貴妃瘦損坐匡床慵髻啼眉掩洞房豆蔻湯溫冰簟冷荔枝漿熟玉魚涼
 病不禁秋淚沾臆裴回自絕君王膝苔沒長門有夢歸花飛寒食應相憶
 玉匣珠襦啟便房薤歌無異葬同昌君王欲製哀蟬賦諫筆詞臣有謝莊
 頭白宮娥暗嘆聲庸知朝露非爲福官草明年戰血腥當時莫向西陵哭
 窮泉相見痛倉黃還向官家問永王幸免玉環逢喪亂不須銅雀怨興亡
 自古豪華如轉轂武安若在憂家族愛子雖係北渚愁外家已葬驪山足
 夜雨椒房陰火青杜鵑啼血濯龍門漢家伏后知同恨止少當年一貴人
 碧殿淒涼新木拱行人尙識昭儀塚麥飯冬青問茂陵斜陽蔓草埋殘壠

昭邱松檟北風哀南內春深擁夜來莫奏霓裳天寶曲景陽宮井落秋槐

琵琶行 并序

去梅村一里爲王太常烟客南園今春梅花盛開予偶步到此
忽聞琵琶聲出於短垣叢竹間循牆側聽當其妙處不覺拊掌
主人開門延客問向誰彈則通州白在湄子咳如父子善琵琶
好爲新聲須臾花下置酒白生爲予朗彈一曲迺先帝十七年
以來事敘述亂離豪嘈淒切坐客有舊中常侍姚公避地流落
江南因言先帝在玉熙宮中梨園子弟奏水嬉過錦諸戲內才
人於暖閣齎鑲金曲柄琵琶彈清商雜調自河南寇亂天顏常
慘然不悅無復有此樂矣相與哽咽者久之於是作長句紀其
事凡六百二言仍命之曰琵琶行

琵琶急響多秦聲對山慷慨稱入神同時漢陂亦第一兩人矢志遭遷謫
絕調王康並盛名崑崙摩詰無顏色百餘年來操南風竹枝水調謳吳儂
里人度曲魏良輔高士填詞梁伯龍北調猶存止弦索朔管胡琴相間作
盡失傳頭誤後生誰知却唱江南樂今春偶步城南斜王家池館彈琵琶

悄聽失聲叫奇絕主人招客同看花爲問按歌人姓白家住通州好尋覓
袴褶新更回鶻裝虬鬚錯認龜茲客偶因同坐話先皇手把檀槽淚數行
抱向人前訴遺事其時月黑花茫茫初撥鵲弦秋雨滴刀劍相磨轂相擊
驚沙拂面鼓沈沈春然一聲飛霹靂南山石裂黃河傾馬蹄迸散車徒行
鐵鳳銅盤柱摧塌四條弦上烟塵生忽焉摧藏若枯木寂寞空城烏啄肉
輾轉夜半轉咿啞嗚咽無聲貴人哭碎珮叢鈴斷續風冰泉凍壑瀉淙淙
明珠瑟瑟拋殘盞却在輕籠慢撚中斜抹輕挑中一摘淒慄颼颼潛肌膚
銜枚鐵騎飲桑乾白草黃沙夜吹笛可憐風雪滿關山烏鵲南飛行路難
獺嘯颼啼山鬼語瞿塘千尺響鳴灘坐中有客淚如霰先朝舊直乾清殿
穿宮近侍拜長秋咬春燕九陪游燕先皇駕幸玉熙宮鳳紙僉名喚樂工
苑內水嬉金傀儡殿頭過錦玉玲瓏一自中原盛豺虎煖閣才人撒歌舞
插柳停搗素手箏燒燈罷擊花奴鼓我亦承明侍至尊止聞古樂奏雲門
段師淪落延年死不見君王賜予恩一人勞悴深宮裏賊騎西來趨易水
萬崱山前鼙鼓鳴九龍池畔悲笳起換羽移宮總斷腸江村花落聽覓裳
龜年哽咽歌長恨力士淒涼說上皇前輩風流最堪羨明時遷客猶嗟怨

卽今相對苦南冠昇平樂事難重見白生爾盡一杯酒繇來此伎推能手
岐王席散少陵窮五陵召客君知否獨有風塵潦倒人偶逢絲竹便沾巾
江湖滿地南鄉子鐵笛哀歌何處尋

宮扇

宣皇清暑幸離宮碧檻青疏十二重七寶鑄銅薰鴨貴千金裁翠闌雞紅
玳瑁簾開南內宴沈香匣啟西川扇蟬翼描來雲母輕冰紈製就天孫豔
丹霞滄起駕雲駟王母雙成絳節還玉管風銜花萬壽銀濤龍蹴海三山
芙蓉水殿琉璃徹內家尙苦櫻桃熱九華初御詠招涼落葉迴風若霜雪
峩眉萬里尙方船雉尾千秋奏御箋公主合歡嬌翡翠昭容反影鬪嬋娟
遭逢召見南薰殿思陵日昃猶揮汗天語親傳賜近臣先生進講幽風倦
黃羅帕捧出雕闌畫簾丹青掌上看倖薄買嫌燈市價恩深攜謝閭門班
白離卷握秋風急蹇驢便面誰人識聞道烽烟蔽錦城齊紈楚竹無顏色
石榴噴火照皇都再哭蒼梧媿左徒舊內謾懸長命縷新宮徒貼辟兵符
雨夜牀頭搜廢篋摩挲老眼王家物半面猶存蛺蝶圖空箱尙記霓裳疊
蠹粉黃侵瓊樹花麝塵香損紫鸞車珠衣五翟悲秦女玉墜雙魚泣漢家

莫歎君恩長斷絕比來舒卷仍鮮潔乍可襟披宋玉風不堪袖掩班姬月
宣宗御用戲金蟋蟀盆歌

宣宗在御昇平初便殿進覽幽風圖媛閭才人籠蟋蟀晝長無事爲歡娛
定州花萼賜湯沐玉粒瓊漿供飲啄戲金糝漆隱雙龍果厥雕盆錦香褥
欣飛著翅逞腰身玉砌軒轅試一鳴性不近人須耿介才堪却敵在僊輕
君王暇豫留深意棘門霸上皆兒戲鬪雞走狗謾成功今日親觀戰場利
坦顙長身張兩翼鋸牙植股鬚如戟漢家十二羽林郎蟲達封侯功第一
臨淮眞龍起風雲二豪螟蛉張與陳草間竊伏竟何用竈下廝養非吾羣
大將中山獨持重却月城開立不動兩目相當振臂呼先聲作勢多操縱
應機變化若有神僊突彷彿常開平黃鬚鬣卑見股栗垂頭折足亡精魂
獨身跳免追且急拉折攀翻只一擲螭螭塞外蠕蠕走使氣窮搜更深入
當前拔柵賭先登奪采爭籌爲主人自分一身甘瓦注不知重賞用黃金
君王笑謂當如此楚漢雌雄何足齒莫啜超距浪輕生橫草功名須致死
二百年來無英雄故宮瓦礫吟秋風一寸山河關鑿觸五千甲士化沙蟲
灌莽微軀亦何有捉生誤落兒童手蟻賊穿墉負敗衄戰骨雖香嗟速朽

涼秋九月長安城黑鷹指爪愁雙睛錦韋玉緣競馳逐頭驚宴上爭輸贏
鬪鴨欄空舞馬死開元萬事堪傷心秘閣圖書遇兵火版盒宣窰賤如土
名都百歲少人傳貴戚千金向誰賭樂安孫郎好古癖剔紅填漆收藏得
我來山館見雕盆蟋蟀秋聲增歎息嗚呼漆城蕩蕩空無人哀蟻切切啼
王孫貧士征夫盡流涕惜哉不遇飛將軍

聽女道士卞玉京彈琴歌

驚鷺逢天風北向驚飛鳴飛鳴入夜急側聽彈琴聲借問彈者誰云是當
年卞玉京玉京與我南中遇家近大功坊底路小院青樓大道邊對門却
是中山住中山有女嬌無雙清眸皓齒垂明璫曾因內宴直歌舞坐中嘗
見塗鴉黃問年十六尚未嫁知音識曲彈清商歸來女伴洗紅妝枉將絕
技矜平康如此纔足當侯王萬事倉皇在南渡大家幾日能枝梧詔書忽
下選蛾眉細馬輕車不知數中山好女光徘徊一時粉黛無人顧豔色知
爲天下傳高門愁被旁人妬盡道當前黃屋尊誰知轉盼紅顏誤南內方
看起桂宮北兵早報臨瓜步聞道君王走玉輦轎車不用聘昭容幸遲身
入陳宮裏却早名填代籍中依稀記得祁與阮同時亦中三宮選可憐俱

未識君王軍府抄名被驅遣漫詠臨春瓊樹篇玉顏零落委花鈿當時錯
怨韓擒虎張孔承恩已十年但教一日見天子玉兒甘爲東昏死羊車望
幸阿誰知青塚淒涼竟如此我向花間拂素琴一彈三歎爲傷心暗將別
鶴離鸞引寫入悲風怨雨吟昨夜城頭吹簫築教坊也被傳呼急碧玉班
中怕點留樂營門外盧家泣私更裝束出江邊恰遇丹陽下渚船翦就黃
絁貪入道攜來綠綺訴嬋娟此地繇來盛歌舞子弟三班十番鼓月明絃
索更無聲山塘寂寞遭兵苦十年同伴兩三人沙蘆朱顏盡黃土貴戚深
閨陌上塵吾輩漂零何足數坐客聞言起歎嗟江山蕭瑟隱悲笳莫將蔡
女邊頭曲落盡吳王苑裏花

南生魯六真圖歌

并引

山東南生魯官浙之觀察命謝彬畫己像而劉復補山水凡六
圖其一坐方褥聽兩姬搗箏吹洞簫其一焚香彈琴流泉瀉堦
下旁一姬聽倦倚石一會兩少年蹴踘戲毬擲空中勢欲落一
圖書滿牀公左顧笑有髻而秀者端拱榻前若受書狀則公子
也餘二圖則畫藤橋橫斷壑中非人境公黃冠樓拂掉首不顧

一則深巖枯木有頭陀跌坐披布衲卽公也予爲作六真圖歌
鏡之石土覽者可以知其志矣

明湖夜雨天涯客握手停杯話疇昔人生竟作畫圖看拂卷生綃開數尺
長身玉立于思翁美人促柱彈春風一聲兩聲玉簫急吹落碧桃無數紅
旁有一姝嬌倚扇聽君手拂湘妃怨抱琴危坐鬢飄然知入清徽廣陵散
出門逐伴車如風築毬會飲長安中歸來閉門閒課子石榻焚香列圖史
我笑此翁何太奇彈琴蹴鞠皆能爲讀書終老豈長策乘雲果欲鞭龍螭
神仙吾輩盡可學六博吹笙遊戲作不信晚年圖作佛趺坐蒲團貪睡著
丈夫雄心竟若此世事悠悠何足齒興來展翫自掀髯樓拂藤鞋自茲始
劉君水石謝君圖解衣盤礴工揣摩平生嗜好經想像須臾點出雙清臚
置身其間眞快樂聲酒琴書資笑謔縱然仙佛兩無成如此溪山良不惡
吾聞宗少文曾寫尙子平阮生長嘯逢蘇門祖孫妙筆多天真君不見興
宗年少香山老不及丹青似舊人

後東臯草堂歌

君家東臯枕山麓百頃流泉浸花竹石田書畫數百卷酷嗜平生手藏錄

隱囊塵尾寄蕭齋。鵲高飛。鷹隼猜白社。青山舊居在黃門北。寺捕車來。
有詔憐君放君去。重到故鄉。棲隱處。短策仍看屋後山。扁舟却繫門前樹。
此時釣黨雖縱橫。終是君王折檻臣。放逐縱緣當事意。江湖還賴主人恩。
一朝龍去辭鄉國。萬里烽烟歸未得。可憐雙戟中丞家。門帖淒涼題賣宅。
有子單居持戶難。呼門吏怒索家錢。窮搜廢篋應無計。棄擲城南五尺山。
任移花藥鄰家植。未剪松杉僧舍得。漁舟網集習家池。官道人牽到公石。
石礎雖留不記亭。槿籬還在半無門。欹橋已斷眠僵柳。醉壁誰扶倚瘦藤。
尚有荒祠叢廢棘。豐碑草沒猶堪識。堦前田父早歌呼。陌上行人增歎息。
我初扶杖過君家。開尊九月逢黃花。秋日溪山好圖畫。石田眞蹟深咨嗟。
傳聞此圖再易主。同時賓客知存幾。又見溪山改舊觀。雕欄碧檻今已矣。
搖落深知宋玉愁。衡陽雁斷楚天秋。斜暉有恨家何在。極浦無言水自流。
我來草堂何處宿。挑燈夜把長歌續。十年舊事總成悲。再賦閒愁不堪讀。
魏寢梁園事已空。杜鵑寂寞怨西風。平泉獨樂荒榛裏。寒雨孤村聽曉鐘。

汲古閣歌

毛晉字子晉常熟人家有汲古閣

嘉隆以後藏書家天下。昆陵與瑯琊整齊舊聞收放失。後來好事知誰及。

比聞充棟虞山翁里中又得小毛公搜求遺逸懸金購繕寫精能鏤板工
繇來斯事推趙宋歐虞楷法看飛動集賢院印校讐精太清樓本裝潢重
損齋手跋爲披圖蘇氏題觀在直廬館閣百家分四庫巾箱一幅盡三都
本朝儒臣典制作累代縹緗輸秘閣徐廣雖編石室書孝徵好竊華林略
兩京太學藏經史奉詔重脩賜金紫高齋學士貴餐錢故事還如寫黃紙
釋典流傳自洛陽中官經廠護焚香諸州各請名山藏總目難窺內道場
南湖主人爲嘆息十年心力悉收拾史家編輯過神堯律論流通到羅什
當時海內多風塵石經馬矢高丘陵已壞書囊縛作袴復驚木冊摧爲薪
君家高閣偏無恙主人留宿傾家釀醉來燒燭夜攤書雙眼摩挲覺神王
古人關書借三館羨君自致五千卷又云獻書輒拜官羨君帶索躬耕田
伏生藏壁遭書禁中郎秘惜矜談進君獲奇書好示人雞林巨賈爭摹印
讀書到死苦不足小學雕蟲置廢麓君今萬卷盡刊訛邢家小兒徒碌碌
客來詩酒話生平家近湖山擁百城不數當年清閭閻亂離踪跡似雲林

東萊行

爲姜如農如
須兄弟作也

漢皇策士天人畢二月東巡臨碣石獻賦凌雲魯兩生家近蓬萊看日出

仲孺召入明光宮補過拾遺稱侍中叔子輔軒四方使一門二妙傾山東
同時里人官侍從左徒宋玉君王重就中最數司空賢三十孤卿需大用
君家兄弟俱承恩感時危涕長安門侍中叩關數彊諫上書對仗彈平津
天顏不憚要人怨衛尉捉頭摔下殿中旨傳呼赤棒來血裏朝衫路人看
愛弟棄官相追從避兵盡室來江東本爲逐臣溝壑裏却因奉母亂離中
三年流落江湖夢茂陵荒草西風勸頭顱雖在故人憐髀肉猶爲舊君痛
我來扶杖過山頭把酒論文遇子由異地客愁君更遠中原同調幾人留
司空平昔耽佳句千首詩成罷官去戰鼓東來白骨寒二勞山月魂何處
左氏勲名照汗青過江忠孝數中丞孺卿也向龍沙死柴市何人哭子卿
只君兄弟天涯客漂零尙是烟霜隔思歸詩寄廣陵潮憶弟書來虎丘石
回首風塵涕淚流故鄉蕭瑟海天秋田橫島在魚龍吟樂大城荒草木愁
當日竹宮從萬騎祀日歌風何意氣斷碑年月記乾封柏梁侍從誰承制
魯連蹈海非求名鴟夷一舸甯逃生丈夫淪落有時命豈復悠悠行路心
我亦滄浪釣船繫明日隨君買山住

鴛鴦湖畔草黏天二月春深好放船柳葉亂飄千尺語桃花斜帶一溪煙
煙雨迷離不知處舊堤却認門前樹樹上流鶯三兩聲十年此地扁舟住
主人愛客錦筵開水閣風吹笑語來畫鼓隊催桃葉伎玉簫聲出柘枝臺
輕靴窄袖嬌妝束脆管繁絃競追逐雲鬢子弟按霓裳雪面參軍舞鸚鵡
酒盡移船曲樹西滿湖燈火醉人歸朝來別奏新翻曲更出紅妝向柳堤
歡樂朝朝兼暮暮七貴三公何足數十幅蒲帆幾尺風吹君直上長安路
長安富貴玉驄驕侍女薰香護早朝分付南湖舊花柳好留煙月伴歸橈
那知轉眼浮生夢蕭蕭日影悲風動中散彈琴竟未終山公啟事成何用
東市朝衣一旦休北邙坯土亦難留白楊尙作他人樹紅粉知非舊日樓
烽火名園竇狐兔畫閣偷窺老兵怒甯使當時沒縣官不堪朝市都非故
我來倚棹向湖邊煙雨臺空倍惘然芳草乍疑歌扇綠落英錯認舞衣鮮
人生苦樂皆陳迹年去年來堪痛惜聞笛休嗟石季倫銜杯且效陶彭澤
君不見白浪掀天一葉危收竿還怕轉船遲世人無限風波苦輸與江湖
釣叟知

項黃中家觀萬歲通天法帖

王氏勳名自始興後人書法擅情能江東將相傳家在翰墨風流天下稱
前有瑯琊今構李項氏由來堪竝美襄毅旂常戰伐高墨林書畫聲名起
當時海內號收藏秘閣圖書玉軸裝近代丹青推董巨名家毫素重鍾王
鍾王妙蹟流傳舊貞觀在御窮搜購盡隨萬乘入昭陵人間一字無遺漏
碑石猶存腕鋒出風摧雨刺苔文脫棗木鐫來波磔非牋麻揭就戈鉞失
君家此書何處傳云是萬歲通天年則天酷嗜二王法詔求手迹千金懸
從官方慶拜表進臣祖義獻與僧虔生平行草數十紙龍蛇盤蹙開天顏
賜官五階帛百疋仍勅能手雙鉤填裝成用寶進御府不知何事流人間
我思羲之負遠略北伐貽書料強弱惜哉徒令書畫傳誓墓功名氣蕭索
江東無事富山水興來灑筆臨池樂足知文采賴昇平父子優游擅家學
只今海內無高門稽山越水烽烟作春風挂席由拳城夜雨君齋話疇昨
嗚呼吾友雅州公舒毫落紙前人同一官烏撒沒坯土萬卷青箱付朔風
少伯湖頭鼙鼓動尙書第內煙塵空可憐累代圖書盡斷楮殘編墨林印
此卷仍逃劫火中老眼縱橫看筆陣君眞襄毅之子孫相逢意氣何相親
卽看書畫與金石詔求不屑辭家貧嗟呼世間奇物戀故主留取縹緗傲

絕倫

蕭史青門曲

蕭史青門望明月，碧鸞尾掃銀河潤。好時池臺白草荒，扶風邸舍黃塵沒。
當年故后婕妤家，槐市無人噪晚鴉。却憶沁園公主第，春鶯曉殺上陽花。
嗚呼先皇寡兄弟，天家貴主稱同氣。奉車都尉誰最賢，鞏公才地如王濟。
被服依然儒者風，讀書妙得公卿譽。大內傾宮嫁樂安，光宗少女宜加意。
正直官家從代來，王姬禮數從優異。先是朝廷啟未央，天人竄德降劉郎。
道路爭傳長公主，夫婿豪華勢莫當。百兩車來填紫陌，千金榼送出雕房。
紅窗小院調鸚鵡，翠館繁箏叫鳳凰。白首傳璫阿母飾，綠韝大袖騎奴裝。
灼灼天桃共穠李，兩家姊妹驕秋綺。九子鸞雛鬪玉釵，釵工百萬恣求取。
屋裏薰爐滃若雲，門前細轂流如水。外家肺腑數尊親，神廟榮昌主尙存。
話到孝純能識面，抱來太子輒呼名。六宮都講家人禮，四節頻加戚里恩。
同謝面脂龍德殿，共乘油壁月華門。萬事榮華有消歇，樂安一病音容沒。
莞蒨桃笙朝露空，溫明秘器空堂設。玉房珍玩宮中賜，遺言上獻依常制。
却添駙馬不勝情，至尊覽表爲流涕。金冊珠衣進太妃，鏡奩鈿合還夫婿。

此時同產更無人。監德來朝笑語真。憂及四方宵旰甚。自家兄妹話艱辛。
明年鐵騎燒宮闕。君后倉黃相訣絕。仙人樓上看飛灰。織女橋邊聽流血。
慷慨難從鞏公死。亂離怕與劉郎別。扶攜夫婦出兵間。改朔移朝至今活。
粉碓脂田縣吏收。妝樓舞閣豪家奪。曾見天街羨壁人。今朝破帽迎風雪。
賣珠易米返柴門。貴主淒涼向誰說。苦憶先皇涕淚漣。長平嬌小最堪憐。
青萍血碧它生果。紫玉魂歸異代緣。盡歎周郎曾入選。俄驚秦女遽登仙。
青青寒食東風柳。彰儀門邊冷墓田。昨夜西風仍夢見。樂安小妹重歡譙。
先后傳呼喚捲簾。貴妃笑折櫻桃倦。玉階露冷出宮門。御溝春水流花片。
花落回頭往是非。更殘燈炮淚沾衣。休言傳粉何平叔。莫見焚香衛少兒。
何處笙歌臨大道。誰家陵墓對斜暉。只看天上瓊樓夜。烏鵲年年它自飛。

百花驄歌

百花驄者北方之奇駒也。有少年將以七白金購之。騎遇漢壽亭侯祠。伏地且僵。願以馬輸祠中。乃起。嘶鳴入廡下。泥馬忽自敗。遂立其處。頭脊尻。雕如一日中。階下斃水草。已植立如初。明年大亂。因失所在。客有傳其事者。爲作此歌紀異也。

漢家龍媒失御策紫陌青門少行跡長楸脫轡走荊州逸足翻空爭赤壁
英雄一去時世改驂驅慘淡無顏色空留匹練守虛廊雨鬢風髭騎不得
誰似征西幕府雄千金買馬護名驄銀騅亂點桃花雪玉鐙長嘶柳葉風
不向山前斲水草却來江上乘驤襄路出龍沙講武場雙鍵結束兒郎好
漢壽祠前看射鵰彎弓仰笑霜蹄蹶厖僕圉人起歎嗟跪足垂頭口流沫
將軍四顧忽躊躇此馬或遭鬼神奪但留駿骨在人間願納堦墀馬倏活
直入當軒立不去蹄數恰當鬼馬處赤汗沾胸似戰歸青絲絡頸如人御
一時喧動劉繇城狐鳴魚腹三軍驚醴酒共推銅馬帥椎牛大會下江兵
溢口潯陽聽鼙鼓前驅已逼濡須塢盡道章門屬華歆卽看建業愁黃祖
鬱孤臺畔解征鞍內顧逡巡十八灘嶺表鑄銅馳檄遠祁山刻木餉軍難
可憐萬馬俱神駿伏櫪思常陷陣于禁城中召北軍糜芳帳下輸南郡
不信烏騅負主人十年鞭策苦風塵玉關已破嫖姚死躑躅重來被錦茵
獨有花驄偏掉鞅哀鳴踣地英姿爽江城春草捲黃沙夜半忽隨風雨往
興亡自古堪嗟惜吞吳遺恨終何益汗血千年蹴踘聲麒麟地上無人識
君不見苜蓿西風石馬秋茂陵煙樹自修修英雄淚盡當陽坂髀肉空銷

劉豫州

團圓曲

鼎湖當日棄人間，破敵收京下玉關。
慟哭六軍俱縞素，衝冠一怒爲紅顏。
紅顏流落非吾戀，逆賊天亡自荒蕪。
電掃黃巾定黑山，哭罷君親再相見。
相見初經田竇家，侯門歌舞出如花。
許將威里筵篋伎，等取將軍油壁車。
家本姑蘇浣花里，圓圓小字嬌羅綺。
夢向夫差苑裡遊，宮娥擁入君王起。
前身合是採蓮人，門前一片橫塘水。
橫塘雙槳去如飛，何處豪家強載歸。
此際豈知非薄命，此時只有淚沾衣。
薰天意氣連宮掖，明眸皓齒無人惜。
奪歸永巷閉良家，教就新聲傾坐客。
坐客飛觴紅日暮，一曲哀絃向誰訴。
白晝通侯最少年，揀取花枝展迴顧。
早攜嬌鳥出樊籠，待得銀河幾時渡。
恨殺軍書底死催，苦留後約將人誤。
相約恩深相見難，一朝蟻賊滿長安。
可憐思婦樓頭柳，認作天邊粉絮看。
遍索綠珠圍內第，強呼絳綈出雕欄。
若非壯士全師勝，爭得蛾眉匹馬還。
蛾眉馬上傳呼進，雲鬢不整驚魂定。
燧炬迎來在戰場，嘵妝滿面殘紅印。
專征簫鼓向秦川，金牛道上車千乘。
斜谷雲深起畫樓，散關月落開妝鏡。
傳來消息滿江鄉，烏柏紅經十度霜。

教曲妓師憐尙在浣紗女伴憶同行舊巢共是啣泥燕飛上枝頭變鳳凰
長向尊前悲老大有人夫婿擅侯王當時祇受聲名累貴戚名豪競延致
一斛明珠萬斛愁關山漂泊腰支細錯怨狂風颺落花無邊春色來天地
常聞傾國與傾城翻使周郎受重名妻子豈應關大計英雄無奈是多情
全家白骨成灰土一代紅妝照汗青君不見館娃初起鴛鴦宿越女如花
看不足香逕塵生烏自唳屢廊人去苔空綠換羽移宮萬里愁珠歌翠舞
古梁州爲君別唱吳宮曲漢水東南日夜流

勾章井

神魚映日天門高思牢弩射錢塘潮母龍挾子飛不得黑風吹斷鼉鼉橋
只看文瑩勾章井金鰲背上穿清冷三軍鹵飲感甘泉十丈飛流牽素練
面面琉璃砌碧欄貝宮天際倚簾看馬鞍山接桃花島呂宋帆移柁子灣
海色瞳瞳照深殿紅桑日起觚稜炫金井杯承帝子漿玉顏影入昭陽扇
聞道君王去射蛟樓船十萬水犀豪那知一夜宮中火倒映三山五色漚
蒼鯨掣鎖電光紫擊浪噓雲食龍子輶輶聲斷銀瓶墜遠殿虹蜺美人死
旂檀紫竹慈雲夢寶陀山近鸞旌送香水流來菩薩泉白象迎歸善財洞

不羨蓬瀛作水仙神樓十二竟茫然桑田休道麻姑笑桃核難求王母憐
君不見秦皇漢武終何益至今海上留遺跡鑄池壁至後宮愁鈎弋宮空
少子泣珠襦玉匣總塵封卽爾飄零死亦得羞落陳宮玉樹花麝脂井上
無顏色

贈吳錦雯兼示同社諸子

吾家季重才翩翩身長七尺虬鬚髯投我新詩百餘軸滿牀絹素生雲煙
自言里中有三陸長衫拂髀矜豪賢弟先兄舉致身早我亦挾冊游長安
其餘諸子俱嶽嶽感時上策愁祗連會飲痛哭岳祠下聞者大笑驚狂顛
臯亭山頭金鼓震萬騎蹴踏東南天貽書訣別土龍死嗚呼吾友非高官
餘或脫身棄妻子西興潮落無歸船我因老親守窮巷買山未得囊無錢
息心掩關謝時輩五年不到西溪邊比因訪客過山寺故人文酒相盤桓
手君詩篇令我讀使我磊落開心顏豈甘不死愧良友欲使奇字留人間
跳刀拍張雖將相有書一卷吾徒傳吾聞其語重歎息平生故舊空茫然
不信扁舟偶乘興丁儀吳質追隨歡酒酣對客作長句十紙謾謾松風寒
後來此會良不易況今海內多艱難安得與君結廬住南山著述北山眠

送徐次桓歸胥江草堂歌

春來放櫂駕湖游，杉青牀畔登高樓。
綈裘徐郎最年少，坐中搖筆烟霞收。
裝隨到我海濱去，雞黍流連別何遽。
云過胥江舊草堂，乃父淒涼讀書處。
滄山突兀枕江濱，伍相祠荒對夕曛。
我是故人同季子，十年相識憶徐君。
只今孺子飄零客，蘆中窮士無人識。
掛劍雖存舊業非，吹簫未遇吾徒惜。
歸去還登漁父船，南枝越鳥竟誰憐。
投金瀨在王孫泣，白馬江聲遶舍邊。

送杜公弼武歸浦口

將軍威名著閭隴，紫面虬鬚鋒骨悚。
西州名士重人豪，北地高門推將種。
起家二十便登壇，氣壓三河震百蠻。
夜半旌旗度青海，雪中笳鼓動蕭關。
當時海內稱劉杜，死事忠勤君叔父。
黃沙磧上起豐碑，李氏功名何足數。
君爲猶子有家風，都護防秋杖節同。
白帝傳烽移劍外，黃巾聞警出榆中。
功敗垂成謀不用，十年心力堪悲痛。
只今天地滿風塵，餘生淪落江南夢。
江南煙雨長菰蒲，蟹舍漁莊家有無。
醉裏放歌衰鬢短，狂來搖筆壯心蘇。
自言少年好詩酒，學佛求仙遍師友。
牀頭真訣幸猶在，肘後陰符復何有。
嗟余憔悴卧江潭，騎省哀傷初未久。
君來一見卽論文，謂結婚姻商不朽。

蹉跎此意轉成空自恨愆期負若翁非是雋君辭霍氏終然丁掾感曹公
此後相逢輒悲歎秦關何處鄉書斷苦憶江南欲往難羈妻老病無人看
三經出塞五專征一卷詩書記姓名奴僕旌旄多甲第親朋兵火剩浮生
重向天涯與我別憑闌把酒添淒咽煙水蘆花一雁飛回頭却望江南月

蘆洲行

江岸蘆洲不知里積浪吹沙長灘起云是徐常舊賜莊百戰勳名照江水
祿給朝家禮數優子孫萬石未云酬西山詔許開煤冶南國恩從賜荻洲
江水東流自朝暮蘆花瑟瑟西風渡金戈鐵馬過江來朱門大第誰能顧
惜薪司按先朝冊勳產蘆洲追子粒已共田園沒縣官仍收子弟徵租入
我家海畔老田荒亦長蘆根豈賜莊州縣逢迎多妄報排年賠累是重糧
丈量親下稱蘆政鞭笞需索輕人命胥吏交關橫派征差官恐喝難供應
江南尺土有人耕踏勘終無豪占情徒起再科民力盡却虧全課國租輕
積年升科老田本漕白重課指爲無糧侵占故有重糧再科後重糧
去而定爲蘆課視原額反少減矣甚言害民而又損國其無益如此詔書
昨下知民病解頭使用今朝定早破城中數百家蘆田白售無人問休嗟
百姓困誅求憔悴今看舊五侯只好負薪喂馬矢敢誰伐荻上漁舟君不

見舊洲已沒新洲出黃蘆收盡江湖白萬束千車運入城草場馬廐如山
積樵蘇猶到鍾山去軍中日日燒陵樹

捉船行

官差捉船爲載兵大船買脫中船行中船蘆港且潛避小船無知唱歌去
郡符昨下吏如虎快槳追風搖急櫓村人露肘捉頭來背似土牛耐鞭苦
苦辭船小要用爭執洶洶路人擁前頭船見不取行曉事篙師歛錢送
船戶家家壞十千官司查點候如年發回仍索常行費另派門攤云雇船
君不見官舫鬼戕無用處打鼓插旗馬頭住

馬草行

秣陵鐵騎秋風早廐將圉人索芻藁當時磧北報燒荒今日江南輸馬草
府帖傳呼點行速買草先差人打束香芻堪秣飽驕驕不數西涼誇苜蓿
京營將士導行錢解戶公攤數十千長官除頭吏乾沒自將私價僦車船
苦差常例須應免需索停留終不遺百里曾行幾日程十家蚤破中人產
半路移文稱不用歸來符取重裝送推車挽上秦淮橋道遇將軍紫騮鞋
轆門芻豆高如山紫髯碧眼看笑官黃金絡頸馬肥死忍令百姓愁飢寒

回首滁陽開僕監龍媒烙字麒麟院天閑轡逸起黃沙遊牝三千滿行殿
鍾山南望獵痕燒放牧秋原見射鵬甯莖雕胡供伏櫪不堪園寢草蕭蕭
題志衍所畫山水

畫君故園之書屋午榻茶烟時花竹著我溪邊岸葛巾十年笑語連牀宿
畫君蜀道之艱難去家萬里誰能還戎馬千山西望哭杜鵑落月青楓寒
今之此圖何者是黯淡蒼茫惟一紙想像雲山變滅中其人與筆甯生死
我思此道開榛蕪東南畫脈多蕭疎君嘗展卷向余說得及荆關老輩無
巫山巫峽好粉本一官大笑誇吾徒此行歸來掃素壁捫腹滿貯青城圖
只今猶是江南樹憶得當時送行處楊柳青青葭菼邊雙槳搖君此中去

墓山兒

墓山兒兒生不識亂與離父言急去牽兒衣母言乞火爲兒炊作糜父母
忽不見但見長風白浪高崔嵬將軍下一令軍中那得聞兒曉樓船何高
高沙岸多崩摧榜人不能移舉手推墮之上有蒲與萑下有濫與泥十步
九倒迷東西身無袴襦足穿蒺藜叩頭指口惟言飢將船送兒去問以鄉
里記憶還依稀父兮母兮哭相認聲音雖是形骸非傍有一老翁羨兒獨

來歸不知我兒何處餵游魚或經略賣遭鞭笞垂頭涕下何累累吾欲
此曲此曲哀且悲茫茫海內風塵飛一身不自保生兒欲何爲君不見董
山兒

梅村家藏藁卷第三終

梅村家藏藁卷第四

詩前集四

五言律詩一百五首

夜泊漢口

秋氣入鳴灘，鉤簾對影看。
人游鄉語失，獨客醉歌難。
星淡魚吹火，風高笛倚闌。
江南歸自近，盡室寄長安。

送黃子羽之任四首

子羽能詩以徵辟爲新都令

襄陽

始見征途亂，十年憂此方。
君還思聖主，何意策賢良。
楚蜀烽烟接，江山指顧長。
祇今龐德祖，不復卧襄陽。

巫峽

高深積氣浮，水石怒相求。
勝絕煩宜顧，奇情不易留。
蒼涼難久立，浩蕩復誰收。
詩思江天好，春雲滿益州。

成都

魚鳧開國險，花月錦城香。
巨石當門觀，奇書刻渺茫。
江流人事勝，臺榭霸

圖荒萬里滄浪客題詩問草堂

新都

丞相新都後如今復幾人先皇重元老大禮自尊親舊俗科條古前賢風
尚醕似君眞茂宰白石水潏潏

穿山

勢削懸崖斷根移怒雨來洞深山轉伏石盡海方開廢寺三盤磴孤雲五
尺臺蒼然飛動意未肯卧蒿萊

立墓謁剖公

一衲消羣相孤峰占妙香經聲清石骨佛面冷湖光花落承趺坐雲歸識
講堂空潭今夜月鐘鼓祝前王

過聞果師園居

帆影窗中沒鐘聲樹杪移簷依懸果近閣避偃松欹菜甲春來蚤茶槍雨
後遲散齋閒獨往應與道人期

游西灣

斷壁猿投栗荒祠鼠竄藤鐘寒難出樹雲靜恰依僧選勝從吾意捫危羨

客能生來幾量屐到此亦何曾

送友人還楚

燈火照殘秋聞君事遠遊客心分暮雨寒夢入江樓酒盡孤峰出詩成眾
靄收一帆灘響急落日滿黃州

送繼起和尚入天台

振錫西泠渡潮聲定後聞屐侵盤磴雪衣濕渡江雲樹向雙崖合泉經一
杖分石林精舍好猿鳥慰離羣

蚤起

蚤涼成偶游惜爽憩南樓暮響鳥聲動茶烟花氣浮衫輕人影健風細客
心柔餘興閒支枕清光淺夢收

五月尋山夜寒話雨

客衣輕百里長夏惜登臨正爾出門夜忽逢山雨深聊將斗酒樂無作薄
寒吟年少追涼好難爲父母心

璩芬有侍兒明慧從江上歸則言去矣

江上送君別餘情感侍兒對人先母意生小就儂嬌侍穉偏頻進含嬌託

未知今來羅帳底誰解笑微窺

讀史雜感十六首

吳越黃星見園陵紫氣浮六師屯鵲尾雙闕表牛頭鎮靜資安石艱危仗武侯新開都護府宰相領揚州

其二

莫定三分計先求五等封國中惟指馬關外盡從龍朝事歸諸將軍輪仰大農淮南數州地幕府但歌鐘

其三

北寺讒成獄西園賄拜官上書休討賊進爵在迎鑾相國爭開第將軍罷築壇空餘蘇武節流涕向長安

其四

御刀周奉叔應敕阮佃夫列戟當關怒高軒哄道呼監奴右衛率小吏執金吾匍匐車塵下霄間玉鹿盧

其五

聞築新宮就君王擁麗華尙言虛內主廣欲選良家使者竭頭觔才人豹

尾車可憐青塚月已照白門花

其六

貴戚張公子奄人王寶孫入陪宣室宴出典羽林屯狗馬來西苑俳優侍北門不時中旨召著籍並承恩

其七

漫說黃龍府須愁朱雀桁三軍朝坐甲十客夜傳觴王氣矜天塹邊書棄御牀江舟陳戰艦不肯下潯陽

其八

偏師過采石突騎滿新林已設牽羊禮難爲刑馬心孤軍摧韋粲百戰死王琳極目蕪城遠滄江暮雨深

其九

纓棘千夫聚滕衝百里通白衣搖急檣青草伏疆弓塢壁推嚴虎江湖屬管崇丹陽故鄣郡山越土人風

其十

越絕山河在征人尙錦袍乘風竹箭利狎浪水犀豪恠石千灘險疑城百

里高臨江諸將帥委甲冑東逃

其十一

屢檄知難下全軍歷婺州國亡誰與守城壞復能修喋血雙溪閣焚家入詠樓江東子弟恨伏劍淚長流

其十二

聽說無諸國南陽佳氣來三軍手詔痛一相誓師哀魯衛交難合黥彭間早開崆峒游不返虛築越王臺

其十三

再有東甌信城空戰鼓聞青山頻見騎丹穴尙求君亂水衝村壘殘兵哭嶺雲瘡痍逢故老還說永安軍

其十四

計出游雲夢雄風美獨醒連營巴水白吹角楚天青五嶽尊衡嶠三江阻洞庭故家多屈宋應勒武岡銘

其十五

早設沿江戍仍添泝水兵惡灘橫嶺石急浪打溢城設騎柴桑督樓船牛

渚營江南民力盡辛苦事西征

其十六

風雨章江路山川感廢興城荒孤鶩遶湖怒老蛟憑止水孤臣盡空坑故
鬼增淒涼餘汗簡遺事續廬陵

溪橋夜話

予偕子俶兄弟臨流比屋異戶同橋久雨得月新浴乍涼輒書
數語以識幽事

竹深斜見屋溪冷不分橋老樹連書幌孤邨共酒瓢茶香消積雨人影話
良宵同入幽栖傳他年未寂寥

再簡子俶

舊識天下盡與君兄弟存異書安廢壁苦酒潑殘樽住處欣同里相依好
閉門亂餘仍老屋慟哭故朝恩

素馨

亂後道阻無至者友人
培隔年舊本賦以誌感

異地憐培養孤根怨別離清心愁欲瘦獨立畏人知棄置踰吾分
聲香與物移名花貪悅已不改誤芳時

感舊

不敢恨離別失君愁我輕新知紛項領久病廢將迎慘澹隨時輩艱難愧
老成何時携斗酒涕泣話餘生

贈歌者

天寶遺音在江東妙舞傳舊人推賀老新曲唱延年白眼公卿貴青娥弟
子妍醉中談往事少小侍平泉

兔缺

舌在音何謾唇亡口半呿病同師伯鸞方問仲堪醫露涿從人誚衡碑欲
語遲納言親切地補闕是良規

織女

軋軋鳴梭急盈盈涕淚微懸知新樣錦不理舊殘機天漢期還代河梁事
已非玉箱今夜滿我獨賦無衣

感事

不事扶風掾難畊好時田老知三尺法官爲五銖錢築土驚傳箭呼門避
權船此身非少壯休息待何年

贈蒼雪若鏡兩師見訪

孤雲所宿處清磬出層陰高座惟斯道扁舟亦此心
尋秋逢講樹到海發禪音月色霜天正吾師詩思深

謝蒼雪贈葉染道衣

娑羅多寶葉煎水衲衣黃不染非眞色拈來有妙香
足趺僧相滿手綻戒心長一笠支郎許安禪向石傍

送李友梅還楚寄題其所居愛吾廬

寒雪滿潯陽江程入楚鄉灘逢黃鵠怒嶺界白雲長
十里魚蝦市千頭橘柚莊歸人貰村酒彷彿是柴桑

黃州杜退之改號蛻斯其音近而義別索詩爲贈

述志賦秋蟲孤吟御遠風掇皮忘我相換骨失衰翁
畫以通靈妙詩因入悟空少陵更字說不肯效韓公

王瓜

同摘誰能待離離早滿車弱藤牽碧蒂曲項戀黃花
客醉嘗應爽兒涼枕易斜濟民編月令瓜瓞重王家

豇豆

綠畦過驟雨細束小虹蜺錦帶千條結銀刀一寸齊貧家隨飯熟餽客借
餅題五色南山豆幾成桃李蹊

莧

性嫌同肉食味好伴葵羹辨葉先知種聞香易識名碧甜驕綠茹茜汁亂
紅杭却怪成都叟詩篇莧也輕

送照如禪師還吳門

秋氣肅羣慮衲衣還故栖雲生孤杖迥月出萬山低乞火青楓寺疏泉紫
芋畦石床櫻拂子盡說是曹溪師姓曹

初冬月夜過子微

月色破林巒家貧共一灘門開孤樹直影逼兩人寒淪茗誇陽羨論詩到
建安亦知談笑久良夜睡應難

園居柬許九日

迸筍穿茶竈欹花罨釀房曝書移畫几敲筆響琴牀晚食知眠懶輕衫便
酒狂儵然吾願足不肯負滄浪

晚泊

寒鋤依岸直輕槳蕩湖斜樹脫餘殘葉風吹亂晚鴉沙深留豕跡溪靜響魚叉乞火村醕至炊烟起荻花

題心函上人方庵

頂相安禪穩圓塵履鉢銷誰知眠丈室不肯效團焦石鼎支茶竈匡牀挂瘦瓢一枝方竹杖夜雨話參寥

題敬上人代笠

空山無住著就石架孤筇愛雪編茅整愁風剪箬工樹陰休攢叟簷雨滴漁翁要自謀安隱吾師息此中

過南屏訪無生上人

謂此一公住偶來閒午鐘山容參雪嶠無生壁間有雪嶠師畫佛火隱雷峰路細因留竹雲深好護松精廬人不到相對話南宗

簡武康姜明府二首

地僻誰聞政如君自不同放衙山色裏聽事水聲中竹稅官橋市茶商客渚篷前溪歌舞在父老習遺風

其二

花發訟庭香松風夾道涼溪喧因紙貴邑壽爲蠶忙魚鳥高人政烟霞仙吏裝知君趨召日取石壓歸航

曉妝

學母妝應早留花稱小園爲憐新繡領故著舊時衣性急梳難理衫深力易微素匳猶未斂祇道侍兒非

贈徐子能二首

如子聲名早相聞盡故人懶余交太晚知我話偏眞道在應非病詩成自不貪拊髀休歎恨纔得保沉淪

其二

未卜林塘隱還將野興消鶴聲常入市樹勢欲侵橋老病人扶拜狂吟客見招知從甫里近白首共逍遙

初春夜坐奇懷室

長日誰教睡夜深還擁書一燈殘酒在斜月暗窗虛官退才須減名高懶不除梅花侵曉發蚤得伴閒居

新霽喜孫令修至同步後園探梅

偶來因客興信步得吾園雨足山低樹花開日滿軒
埽林休石磴刷藥遇泉源絕壑人聲至驚栖聽鳥喧

送王子彥

王以孝廉不仕後
事選吏將入都

失意獨焉往自憐歸計非無家忘別苦多難愛書稀
白首投知己青山負布衣秋風秣陵道惆悵素心違

過舊友

已過纔追問相看是故人亂離何處見消息苦難真
拭眼驚魂定銜杯笑語頻移家就吾住白首兩遺民

偶值

偶值翻成訝如君不易尋出門因酒癖謝客爲書淫
久坐傾愁抱高譚遇爽心明朝風日暇餘興約登臨

座主李大虛師從燕都間道北歸尋以南昌兵變避亂廣陵賦呈
八首

風雪間關道江山故國天還家蘇武節浮海管寧船
妻子驚還在交朋淚

泣然兩京消息斷離別蚤經年

其二

白鹿藏書洞青牛採藥翁買山從五老避世棄三公舊德高詞苑長編讀
史通十年金馬夢回首暮雲中

其三

愛酒陶元亮能詩宗少文桃花忘世事明月望湘君山靜聞鼙鼓江空見
陣雲不知時漢晉誰起灌將軍

其四

浩劫知難問秋風天地哀神宮一柱火仙竈五丁雷劍去龍沙改鐘鳴鼙
鼓來可憐新戰骨落日獨登臺

其五

彭蠡初無雁潯陽近有書千戈愁未定骨肉苦離居江渚宵傳柝山城里
出車終難致李白卧病在匡廬

其六

世路長爲客家園況苦兵酒偏今夜醒新依切笛豈去年聲一病餘孤枕千

山送獨行馬當風正緊振柁下淦城

其七

莫問投何處輕帆且別家漫栽彭澤柳好種廣陵瓜飲興愁來減詩餽老
自誇南齊山色近題語報侯芭

其八

海內論知已天涯復幾人關山思會面戎馬涕沾巾賓客侯嬴老諸生原
憲貧相看同失路握手話艱辛

歲暮送穆大苑先往桐廬四首

客中貪過歲又上富春船竹影欹寒枕江聲聽夜眠石高孤岸迥雪重半
帆偏明日停橈處山城落木天

其二

臥病纔回棹征輶此再游亂山穿鳥道匹馬向嚴州遠水浮沙嶼高楓入
郡樓知君風雨夜落葉起鄉愁

其三

到日欣逢節招尋有故人官廚消絳蠟客舍煖烏薪鎖印槐廳靜頒春柏

酒新翮翮杜書記瀟灑得閒身

其四

知爾貪乘興衝寒蠟屐忙鶴翻松磴雪猿守栗林霜官醺移山檻仙碁響石房嚴光如可作故態客星狂

曉發

曉發桐廬縣蒼山插霧中江村荒店月野戍陳旗風衣爲裝綿暖顏因破酒紅日高騎馬滑愁殺白頭翁

客路

客路驚心裏棲遲苦未能龍移對江塔雷出定龕僧武林近事林黑人譚虎臺荒吏按鷹清波門外宿潮落過西興

贈劉虛受二首

中歲交朋盡新知得此翁道因山水合詩向病愁工悟物談功進亡情耳識空眞長今第一兄弟擅宗風

其二

識面已頭白論心惟草立孝標三世史摩詰一門禪獨宿高齋晚微吟細

雨天把君詩在手相慕十年前

苦雨

亂烟孤望裏雨色到諸峰野漲餘寒樹江昏失暝鐘夜深溪碓近人語釣船逢愁聽惟支枕艱難媿老農

海溢

積氣知難極驚濤天地奔龍魚居廢縣人鬼語荒村異國帆檣落新沙島嶼存橫流如可救滄海漢東門

閩園詩十首

并序

閩園者李太虛先生所創別墅也廣廈層軒迴廊曲榭門外有修陂百頃堂前列灌木千章采文石於西山導清流於南浦綠葉被沼紫奈當窗芳枳樹籬修藤作架白鶴文鵬飛翔廣囿鷺鷥黃鵠游泳清池豈止都蔗爲鄉素馨成幄已哉況經傳惠遠厨藏金粟之儀山近麻姑壇擬玉臺之觀果名羅漢花號佛桑紺室聞鐘丹泉洗藥茲爲靈境夫豈塵區而吾師偃仰茂林從容長薄千里致程鄉之酒十年探禹穴之書叔夜銅鎗可容一

斗茂先寶劍足值千金焚香而明月滿簾闌茗而清風入座張
華燈而度曲指孤嶼以題詩若將終身焉洵可樂也不謂平原
鹿走一柱蛟飛始也子魚已下虞翻之說旣而孝頃遽來周廸
之軍浪激亭湖兵焚樵舍馬矢積桓伊之墓鼓聲震徐孺之臺
將仙人之藥曰車箱俱移天上豈帝子之珠簾畫棟尙出人間
雲卿棄藥圃而不歸少陵辭巖谿而又往放舟采石浪跡雷塘
愛子則痛甚元規故園則情同王粲望匡山而不見指章水以
爲言嘿嘿依人傷心而已於是稽生授簡趙子抽毫重邀大別
之雲再續小園之賦庶幾峯連北固不異香爐潮上邗溝居然
溢口心乎慰矣歎也何如偉業幸遇龍門曾隨苑自灌園於
海畔將負笈於山中顧茲三逕之荒已近十年之別願依杖屨
共肆登臨弟子昇陶令之興與思彭澤故吏逐謝公之屐寄念
東山爰托五言因成十律華林園追陪之宴而今渺然浣花潭
話舊之遊於茲在矣

先生家住處門泊九江船彭蠡春來水匡廬雨後天菱荷香石浦秔稻熟

湖田獨坐憑闌久虛堂且晏眠

其二

有客扶藜過空山猿鳥知苔侵蘿逕履松覆石牀碁楚米炊菰早吳羹斫
鱸遲柴門相送罷重定牡丹期

其三

性僻耽書畫蹉跎遍兩京提携詩卷重笑做客囊輕小閣尊羹古高人池
館清平生無長物端不負虛名

其四

興極歌還哭狂來醉復醒牀頭傾小榼壁後卧長瓶月出呼漁艇花開置
幔亭門前流水急數點暮山青

其五

絕壑非人境丹沙廢井留移家依鶴峯穿水遇龍湫白石心長在黃金藥
可求何時棄妻子還伴葛洪遊

其六

我愛東林好還家學戴顒經臺憑怪石廬尾折青松書卷維摩論溪山舊

洞宗欲修居士服持偈問黃龍

其七

倦策登臨減名山坐卧圖避人來栗里投老乞菱湖舊業存榆柳新齋待竹梧亂離知又至安穩故園無

其八

陶令休官去迎門笑語忙那知三逕菊却怕九秋霜十具牛誰種千頭橘未荒可憐思愛子付託在滄浪

其九

青史吾徒事先朝忝從臣十年搜典冊萬卷鎖松筠好友須分局奇書肯借人劫灰心力盡牢落感風塵

其十

早買淮陰棹仍登江上樓曉來看北固何處似南州王謝池臺盡齊梁廢樹秋天涯憂國淚豈爲故鄉流

課女

漸長憐渠易將衰覺子難晚來燈下立攜就月中看弱喜從師慧貧疑失

母寒亦知談往事生日在長安

嘉湖訪同年霍魯齋觀察四首

官舍鶯聲裏旌旗拂柳堤湖開山勢斷塔迴樹痕齊世路催青鬢春風到
紫泥還看鮑司隸驄馬灞橋西

其二

踪跡知何處溪山興不孤閑亭供鳥雀仙吏得尊鱸紅荔浣江樹青楓笠
澤圖須教趙承旨烟雨補南湖

其三

門外銀塘滿鷗飛入晚衙公田若下酒鄉夢杜陵花水碓筒輸紙溪船簍
貢茶看雲堪拄笏幕客莫思家

其四

羽蓋孤城道春風行部勞長公山郡簡小杜水滄豪簫鼓催征騎琴書壓
畫舫獨憐憔悴客剪燭話同袍

贈郡守李隆吉

偶值溪山勝相逢太守賢邀人看水閣載酒上菱船鶴料居官俸魚租謫

客錢今朝風日好春草五湖煙

野望二首

京江流自急客思竟何依白骨新開壘青山幾合圍危樓帆雨過孤塔陣
雲歸日暮悲笳起寒鴉漠漠飛

其二

衰病重聞亂憂危往事空殘村秋水外新鬼月明中樹出千帆霧江橫一
笛風誰將數年淚高處哭塗窮

送張學博儒高之官江北

薄宦非旁郡孤舟幾日程詩傳沛子弟禮問魯諸生水列官廚釀城荒射
圃新北來車馬道猶喜簡逢迎

冬齋

烟盡生寒石山雲不入城船移隔縣雪屋達半江晴照眼庭花動開顏社
酒清渚田飛雁下近喜有人耕

松化石

金陵任白
受所藏

高士無凡好常思買一峰如何三逕石却本六朝松老筆應難畫名山不

易逢穀城相遇處宜復受秦封

嘲張南垣老遇雛妓

莫笑韋郎老還堪弄玉簫
醉來惟捫腹興極在垂髫
白石供高枕青樽出細腰
可憐風雨夜折取最長條

破山興福寺僧鶴如五十

聽法穿雲過傳經泛海來
花深山徑遠石破講堂開
潭出高人影泉流古佛苔
長留千歲鶴聲繞讀書臺

得廬山願雲師書

願師妻人子同學友也

絕頂誅茅處蒼崖怪瀑風
書來飛鳥上僧出亂流中
世事千峰斷鄉心半偈空
却將兄弟夢煙雨問江東

園居

傍城營小築近水插疎籬
岸曲花藏釣窗高鶴聽基
移牀穿磴遠喚茗隔溪遲
自領幽居趣無人到此知

梅村家藏藁卷第四終

梅村家藏藁卷第五

詩前集五

七言律詩五十四首

梅村

枳籬茅舍掩蒼苔
乞竹分花手自栽
不好詣人貪客過
慣遲作答愛書來
閒窗聽雨攤詩卷
獨樹看雲上嘯臺
桑落酒香盧橘美
釣船斜繫草堂開

懷楊機部軍前

同時遷吏獨從征
人道戎旃譴責輕
諸將自承中尉令
孤臣誰給羽林兵
憂深平勃軍南北
疏訟甘陳誼死生
猶有內讒君不顧
亦知無語學公卿

送黃石齋謫官

舊學能先天下憂
東西國計在登樓
十年流涕孤臣事
一夜秋風病客舟
地近詩書防黨禁
山高星漢動邊愁
匡廬講室雲封處
莫問長江日夜流

送左子直子忠兄弟還桐城

君家先德重西京
別我臨江涕淚橫
趙氏有孤仍世族
衛公無諡在諸卿
時未看碑太學傷
鈞黨置酒新亭望
息兵莫歎祀宮豺
虎迹浮丘山下草

初生

聖駕閱城恭遇口占

柳陌天閑獅子花春風吹角畫輪車雲開羽葆三千仗日出樓臺十萬家
天子玉弓穿塞雁黃門金彈落宮鴉北軍不用歸都尉閱武堂前是正衙
登梁王吹臺

登臺雅吹列僊聞客散梁園祇夕曛天子旌旗憐少帝諸王兵甲屬將軍
兩河詞賦凌寒雪千騎歌鐘入暮雲我亦倦游稱病免洛陽西去不逢君
過朱仙鎮謁武穆廟

少保功名絳節遙山川遺恨未能消故京陵樹猶西向南渡江聲自北朝
父子十年摧勁敵士民三鎮痛天驕嗟君此地營軍險祠廟丹青空寂寥
送楊鳧岫

蕭瑟江湖逐客船亂離兄弟夕陽邊蕪城是處逢寒食苦葉如人渡汝川
回首風塵生杞棘傷心短檣在鷹鷂曾經召見多封事一病猶緣明主憐
白門遇北來友人

風塵滿目石城頭樽酒相看話客愁庾信有書談北土杜林無恙問西州

恩深故國頻回首詔到中原盡涕流江左卽今歌舞盛寢園蕭瑟薊門秋
甲申十月南中作

六師長奉翠華歡王氣東南自鬱盤起殿榜還標太極御船名亦號長安
孫吳名湖吞鐵鎖三山動旗遶金莖萬馬看開府揚州眞漢相軍書十道取
材官

有感

已聞羽檄移青海是處山川因白登征北功惟修塢壁防秋策在打河冰
風沙刁斗三千帳雨雪荆榛十四陵回首神州漫流涕爵杯江水話中興
戚楊梅作

石槲山頭好結鄰壽陽妝束紫綸巾子雲二姓慚梅尉號國同心泣采蘋
露冷玉盤傷碩果風來珠實墮芳茵杜鵑啼就楊修恨碧血離離向故人
王煙客招往西田同黃二攝六王太子彥及家舅氏朱昭芭李爾
公賓侯兄弟賞菊二首

九秋風物令公香
文肅嗜菊此其遺愛三徑滋培處土莊花似賜緋兼賜紫人曾衣
白對衣黃未堪醉酒師彭澤欲借食英問首陽轉眼東籬有何意莊嚴金

色是空王

其二

不扶自直疎還密已折仍開瘦更妍最愛蕭蕭臨素壁好因高濁耀華鈿
坐來豔質同杯泛老去孤根僅瓦全時者以瓦束土苦向鄰家怨移植寄人籬下
受人憐

和王太常西田雜興八首

一卧溪雲相見稀繫船枯柳卽斜扉橋通小市魚蝦賤水遶孤邨烟火微
到處琴書攜自近驟來賓客看人圍畫將松雪花溪卷補入西田老衲衣

其二

積暑空庭鳥雀稀泉聲入竹冷巖扉芒鞋藤杖將迎少蟬舍魚莊生事微
病酒客攜茶薺到罷棋人簇畫圖圍日斜清簟追涼好移榻梧陰見解衣

其三

苦竹黃蘆宿火稀渡頭人歇望歸扉偶添小閣林巒秀漸見歸帆烟靄微
蔬圃草深鳬雁亂水亭橋沒芰荷圍夜涼捲幔深更話已御秋來白袷衣

其四

竹塢花潭過客稀
灌畦纔罷掩松扉
道人石上支頤久
漁父磯頭欸乃微
潮沒秋田孤鷺遠
閣含山雨斷虹圍
亭臯木落黃州夢
江海翩躚一羽衣

其五

亂後歸來桑柘稀
牽船補屋就柴扉
游魚自見江湖濶
野雀何知身體微
聽說詩書田父喜
偶譚城市醉人圍
昨朝換去機頭布
已見新縫短後衣

其六

勝情今日似君稀
鷺立灘頭隱釣扉
屋置茶寮圖陸羽
軒開畫壁祀探微
蕭齋散帙知航癖
高座談經早解圍
手植松枝當麈尾
雲林居士水田衣

其七

相逢道舊故交稀
偶過鄰翁話掩扉
陶氏先疇思士行
謝家遺緒義弘微
城中賜第書千卷
祠下豐碑柳十圍
今日亂離牢落甚
秋風禾黍淚沾衣

其八

春曉臺前春思稀
故園蘿薜繞山扉
僮畊十畝桑麻熟
僧住一龕鐘磬微
題就詩篇纔滿壁
種來松栝已成圍
而今却向西田老
換石栽花典敝衣

贈王子彥五十四首

二十登車侈壯游軟塵京雒紫驂驪九成宮體銀鈎就萬卷樓居玉軸收
家有樓名萬卷縱解擣蒲非漫戲卽看哺醲亦風流荀爽芒屨春山路故舊相逢
總白頭

其二

舊業城西二頃田著書聞已續長編兩賢門第知應補十上才名祇自憐
投老漫裁居士服畏人還趁孝廉船只因梅信歸來晚手植松枝暗記年

其三

懶將身世近浮名殘客繇來厭送迎獨處意非閑水石逢人口不識杯錯
衣帽蘊藉多風貌硯几清嚴見性情子弟皆賢賓從好似君纔勿媿平生

其四

雖云文籍與儒林獨行居然擅古今五簋留賓高士約百金投客故人心
尊彝布列圖書貴花木蕭疎地館深晚向鹿門思采藥漢濱漁父共浮沈

姜如須從越中寄詩次韻

漂泊江湖魯兩生亂離半落暮雲平秦餘祀日刊黃縣越絕編年紀赤城
南菊逢人懷故國西窗聽雨話陪京不堪兄弟頻回首落木蕭蕭非世情

言懷

苦留蹤跡住塵寰學道無人且閉關只爲魯連甯蹈海誰云介子不焚山
枯桐半死心還直斷石經移蘇白斑欲就君平問消息風波幾得釣船還
周五子做讀書愛客白擲劇飲又善音律好方伎爲此詩以調之
大隱先生賦素居比來詩酒復何如馬融絳帳仍吹笛劉向黃金山讀書
窮賴文章供飲博興因賓客賣田廬莫臨廣武頻長歎醉後疎狂病未除
同許九日願伊人洞庭山館聽雨

曉閣登臨意渺然蘆花蕭瑟五湖天雲深古洞藏書卷木落空山奏管弦
魚市有租堪載酒橋官無俸且高眠莫愁一夜西窗雨笠澤烟波好放船
過甫里謁願公因遇雲門具和尚

晴湖百頃寺門橋梵唱魚龍影動搖三要宗風標漢月具公之師同四明
論三玄三要
春雪送江湖具公越人高原落木天邊斷獨夜寒鐘句裏銷布襪青鞋故山去
扁舟蘆荻冷蕭蕭時應佛日
請將行

代具師答贈

微言將絕在江南一杖穿雲過石龕早得此賢開講席便圖作佛住精藍

松枝豎義無人會，貝葉翻經好共參。
塵尾執來三十載，相逢誰似使君談。
與友人談遺事

曾侍驪山清道塵，六師講武小平津。
雲旄大纛星辰動，天策中權虎豹陳。
一自羽書飛紫塞，長教征鼓恨黃巾。
孤臣流涕青門外，徒使田橫客笑人。

追悼

秋風蕭索響空幃，酒醒更殘淚滿衣。
辛苦共嘗偏早去，亂離知否得同歸。
君親有媿吾還在，生死無端事總非。
最是傷心看穉女，一窗燈火照鳴機。

見人作布帽

盡道侯翁禮數寬，顏然脫幘任衰殘。
花枝莫上山公帽，竹籜知非劉氏冠。
顧我科頭施屋好，對人狂笑絕纓難。
卽今自有遺風在，遼海還家管幼安。

謁范少伯祠

在金明寺中有陶朱公里四字石碑

艤棹滄江學釣魚，五湖何必計然書。
山川禹穴思文種，烽火蘇臺弔伍胥。
浪擲紅顏終是恨，拜辭烏喙待何如。
却嗟愛子猶難免，霸越平吳事總虛。

題登封兩烈婦井梧遺恨詩

焦太僕孫婦楊氏牛氏

少室山頭二女峰，斷猿哀雁暮雲重。
早題薛石留貞史，却寫椒漿事禮宗。

恨血千年埋慘淡寒泉三尺照從容
碧梧夜落秋階冷環珮歸來曉鐘
鴛湖感舊

予曾過吳來之竹亭湖墅出家樂張飲後來之以事見法重游
感賦此詩

落日晴湖放櫂迴故人曾此共登臺
風流頓盡溪山改富貴何常簫管哀
燕去妓堂荒蔓合雨侵鈴閣野棠開
停橈却望煙深處記得當年載酒來
武林謁同門張石平

河南人官糧儲觀察

湖山曉日鳴笳吹楊柳春風駐羽幢
二室才名官萬石兩河財賦導三江
舊時笑我連珠勒多難逢君倒玉缸
十載弟兄無限意夜深聽雨話西窗
登數峰閣禮浙中死事六君子

鴻寶倪公若柯凌公策軒周公名施公壽齋吳公賓日陳公

四山風急萬松秋遺廟西冷枕碧流
故國衣冠懷舊友孤忠日月表層樓
赤虹劍血埋燕市白馬銀溝走越州
盛事若修陪祀典漢家園寢在昭丘
見伐木者

鎌斧行人半在腰蒼皮素節委山椒
鬼神無語空祠廢鸛雀還歸故壘搖
深愧百年多雨露須知千尺本雲霄
莫矜小草偏生意烈火平原總寂寥

陳青雷以半圃索題走筆戲贈

半間茅屋半牀書半賦閑游半索居
領略溪山應不盡平分風月復何如
點癡互有纔忘世廉讓中間好結廬
自是圖全非易事與君隨意狎樵漁

西冷閨詠四首 并序

石城卞君者系出田居隱偕蠶室巖子著同聲之賦立文詠嬌
女之篇辭旨幽閑才情明慧寫柔思於却扇選麗句以當窗足
使蘇蕙扶輪左芬失步矣故里秦淮早駕木蘭之楫僑居明聖
重來油壁之車風景依然湖山非故趙明誠金石之錄卷軸亡
存蔡中郎薤白之詞紙筆猶在予覽其篇什潁彼風華體寄七
言詩成四律愧非劉柳聞白雪之歌謬學徐陵叙玉臺之詠已

爾

落日輕風雁影斜蜀箋書字報秦嘉
絳紗弟子稱都講碧玉才人本內家
神女新詞填杜若如來半偈繡蓮花
妝成小閣薰香坐不向城南問鉤車

其二

晴樓初日照芙蓉姑射仙人賦子虛
紫府高閑詩博士青山遺逸女尙書

寶珠補屋花應滿刻竹成篇錦不如自寫雒神題小像一簾秋水鏡湖居

其三

五銖衣怯鳳凰雛珠玉爲心冰雪膚綠牖侍兒春被襖紅牙小妹夜檣蒲
瓊窗日暖櫻桃賦粉簷風輕蛟蝶圖頻斂翠蛾人不識自將書札問麻姑

其四

石城楊柳碧城鸞謝女詩篇張女彈鸚鵡歌調銀管細琅玕字刻玉釵寒
雙聲宛轉連珠格八體濃纖倒薤看間整筆牀擲素卷棠梨花發倚闌干
海市四首次張石平觀察韻

仙人太乙祀東萊不信蓬瀛此地開虹跨斷崖通羽蓋魚吞倒影出樓臺
碧城煙合青蔥樹赤岸霞蒸絳雪堆聞道秦皇近南幸舳艫千里射蛟回

其二

灝氣空濛萬象來非煙非霧化人裁僊家園爲休糧閉河伯宮因娶婦開
金馬衣冠蒼水使石鯨風雨濯龍臺鑿空博望頻回首天漢乘槎未易才

其三

東南天地望中收神鬼蒼茫百尺樓秦時長松移絕島梁園修竹隱滄洲

雲如車蓋旌旗繞峰近香爐烟靄浮却笑燕齊迂怪士祇知碣石有丹丘
其四

激浪崩雲壓五湖天風吹斷海城孤千門聽擊馮夷鼓六博看投玉女壺
蒲類草荒春徙帳滄溟月冷夜探珠誰知曼衍魚龍戲翠蓋金支滿具區
別丁飛濤兄弟

把君詩卷過扁舟置酒離亭感舊游三陸雲間空想像二丁鄴下自風流
湖山意氣歸詞苑兄弟文章入選樓爲道故人相送遠藕花蕭瑟野塘秋
贈馮子淵總戎

令公專閫擁旌麾鸚鵡秋風賜錦袍十二銀箏歌芍藥三千練甲醉葡萄
若耶溪劍疑寒水秦望樓船壓怒濤自是相門雙戟重野王父子行能高
丁亥之秋王烟客招予西田賞菊踰月蒼雪師亦至今年予旣卧
病同游者多以事阻追敘舊約爲之慨然因賦此詩

露白霜高九月天匡牀卧疾憶西田黃雞紫蟹堪携酒紅樹青山好放船
杭稻將登農父喜茱萸遍插故人憐舊游多病難重省記別蒼公又二年
友人齋設餅

舍北溪南樹影斜主人留客醉黃花水漫非用淘槐葉蜜餌空關煮蕨芽
關老膏環常對酒徵君寒具好烹茶食經二事皆堪註休說公羊賣餅家

梅村家藏藁卷第五終

梅村家藏藁卷第六

詩前集六

七言律詩七十二首

庚寅元旦試筆

己丑除夕夢杏花盛開桃李數株次第欲放予登小閣臨曲池
有人索杏花詩彷彿禁中應制醒來追思陳事去予登第之歲
已二十年矣

二十年前供奉官而今白髮老江干青樽酒盡貪孤夢紅杏花開滿禁闌
西苑樓臺遺事在北門詞賦舊遊難高涼橋畔春如許贏得兒童走馬看
穆大苑先卧病桐廬初歸喜贈

富春山下趁歸風客病孤舟夜雨中千里故園惟舊友十年同學半衰翁
藥鑪媿我形容槁腹尺翰君飲噉工却向清秋共消損一樽無恙笑顏紅
贈李莪居御史時督學江南

中條山色絳帷開宛雒春風桃杏栽地近石經緣虎觀家傳漆卷本蘭臺
花飛驛路生徒滿潮落江城鐘磬來置酒一帆黃浦月登臨早訪陸機才

贈陸孟鳧七十二首

楓葉蘆花霜滿林，江湖蕭瑟鬢毛侵。
書生藤峽功名薄，漁父桃源歲月深。
入市蹇驢晨賣藥，閉門殘酒夜橫琴。
舊游烽火天涯夢，銅鼓山高急暮砧。

陸爲潯州司李，藤峽在潯州常熟有桃源澗。

其二

講授山泉遶戶庭，芋翁無事爲中吟。
偶支鶴俸分魚俸，閒點茶經補水經。
千里程鄉浮大白，一官勾漏養空青。
歸來松菊荒涼甚，買得雙峰縛草亭。

陸爲無錫學博，故云講授。

贈申少司農青門六十二首

相門三戟勝通侯，兄弟衣冠盡貴游。
白下高名推謝朓，黃初耆德重楊彪。
千山極目風塵暗，一老狂歌天地秋。
還憶淮淝開制府，江聲吹角古揚州。

其二

脫却朝衫上釣船，餘生投老白雲邊。
買山向乞分司俸，餉客還存博士錢。
世事烟霞娛晚歲，黨人名字付殘編。
扁舟百斛烏程酒，散髮江湖只醉眠。

夏孫孝若山樓賦贈

千章喬木俯晴川高閣登臨雨後天明月笙歌紅燭院春山書畫綠楊船
鄰超好客眞名士蘇晉翻經正少年最是風流揮玉麈煙霞勝處著神仙

琴河感舊四首 并序

楓林霜信放棹琴河忽聞秦淮卞生賽賽到白白下適逢紅葉
余因客座偶話舊游主人命犢車以迎來持羽觴而待至停驂
初報傳語更衣已託病店遷延不出知其憔悴自傷亦將委身
於人矣予本恨人傷心往事江頭燕子舊壘都非山上萋蕪故
人安在久絕鉛華之夢況當搖落之辰相遇則惟看楊柳我亦
何堪爲別已屢見櫻桃君還未嫁聽琵琶而不響隔團扇以猶
憐能無杜秋之感江州之泣也漫賦四章以誌其事

白門楊柳好藏鴉誰道扁舟蕩槳斜金屋雲深吾谷樹玉杯春暖尙湖花
見來學避低團扇近處疑嗔響鈿車卻悔石城吹笛夜青曉容易別盧家

其二

油壁迎來是舊遊尊前不出背花愁綠知薄倖逢應恨恰便多情喚却羞
故向閒人偷玉筍浪傳好語到銀鈎五陵年少催歸去隔斷紅牆十二樓

其三

休將消息恨層城猶有羅敷未嫁情
車過捲簾勞悵望夢來携袖費逢迎
青山憔悴卿憐我紅粉飄零我憶卿
記得橫塘秋夜好玉釵恩重是前生
其四

長向東風問畫蘭玉人微歎倚闌干
乍拋錦瑟描難就小疊瓊牋墨未乾
弱葉懶舒添午倦嫩芽嬌染怯春寒
書成粉筆憑誰寄多恐蕭郎不忍看
贈糧儲道步公乾州人

臨湘家世擁旌旄策馬西來劍珮高
華嶽風雲開間氣乾陵草木壯神臯
山公盡職封章切蕭相憂時饋運勞
青史通侯餘事在江南重見舊人豪
辛卯元旦試筆除夕再夢杏花

十年車馬盛長安仙仗傳籌曙色寒
禁苑名花開萬樹上林奇果賜千官
春風紫燕低飛入曉日青驄緩轡看
舊事已非還入夢畫圖金粉碧闌干
雜感二十一首

聞道朝廷罷上都中原民困尙難蘇
雪深六月天圍塞雨漲千村地入湖
瀚海波濤飛戰艦禁城宮闕起浮圖
關山到處愁征調願賜三軍所過租

其二

簫鼓中流進奉船司空停索導行錢入簷名蘭盞花就千緡奇文舞鳳旋
袴褶射雕沙磧塞筐箱市馬玉門邊秋風砧杵催刀尺江左無衣已七年

其三

旌旗日落起征鴻蘆管淒涼雜部中鵲鵲廢宮南內月麒麟枯塚北邙風
金甌兄弟山河固玉几君臣笑語空回首蹕林秋祭遠枉拋心力度江東

其四

射柳山頭掣阜雕便門斜直禁城遙畏吾文字翻唐史百濟衣冠奉漢朝
西屬織鞍都護馬北珠裝帽侍中貂只今理學追姚許耆舊中原未寂寥

其五

呂庸千尺薊門低八部雲屯散馬蹏日表土中通極北河源天上接安西
金城將吏耕黃犢玉壘山川祭碧雞世會適逢須粉飾十年辛苦厭征鼙

其六

萬山中斷一關分絕塞東來鸛鵲羣少婦燕脂人似月通侯鞍馬客如雲
玉河煙柳樓頭見鐵嶺風霜笛裏聞劉杜至今悲轉戰城南誰賽鄧將軍

其七

天水將軍被錦衣中原當日羽書飛花門報國終留恨石茆酬功事已非
銅馬只今翻仗節玉關何事更重圍可憐西海城頭月立菟征人戍不歸

其八

故京原廟倚諸峰走馬驚聞享殿鐘豈謂盡驅昭應鹿到來還問灊陵松
十家家戶除官道百歲村翁識御容記得奉天門獻捷亦將恩禮待和龍

其九

湘山木落楚江流塢壁風高蘆管愁東府一軍當夏口南人五道出壺頭
鐵犀黑水樓船夜銅鼓丹崖戰馬秋西上祖生仍誓楫路旁還指舊通侯

其十

十載間關歷苦辛汨羅風雨泣孤臣王孫去國餘三戶公子從亡止五人
報主有心爭赤壁借兵無力聽黃巾誰知招屈亭前水卻是當時白馬津

其十一

極目風塵哭杜鵑越王臺畔草芊芊時危文士皆成將事去孤臣且學仙
銅柱漫標空到海珠崖難棄已無天黔公帶礪丹書在兵甲縱橫滿麓川

其十二

栢梁高宴會羣公
擊柱橫刀禁殿中
豐沛功名雄薊北
燕齊賓客亂關東
五王歸政推恩厚
八使分符報命同
垂老幸聞親治詔
太平時節願年豐

其十三

中丞杖節換征袍
馬槊邊州意氣高
門下爪牙京兆掾
帳前心膂杜陵豪
里魁投師充書佐
家將探丸拜賊曹
司隸卑囊彈治急
悔將文墨誤弓刀

其十四

法從千官對直廬
殿中誰是夏無且
議添常侍司宮尉
詔設期門護屬車
沙苑草荒秋射兔
灤河花發曉觀魚
三邊望幸多封事
不見相如諫獵書

其十五

富良江上指雙旌
報道中原到陸生
猶有將軍居善闡
誰云相國走占城
黃龍誓在應輸貢
白象營開任請兵
南服祖宗威德重
王師三下遣西平

其十六

急峻天風捲怒濤
穿雲棧石度秋毫
雞豚絕壁人煙少
珠玉空江鬼哭高
縱火千村驅草木
齎糧百日棄弓刀
縣州徂報傳烽緊
峒戶溪丁轉戰勞

其十七

禪智庵頭感廢興前知今有佛圖澄雕弓裂地看諸將蠅拂談時聽老僧
定後江聲消白骨靜中劫火指寒燈陰風夜半揚州月相國魂歸哭孝陵

其十八

武安席上見雙鬟血淚青娥陷賊還只爲君親來故國不因女子下雄關
取兵遼海哥舒翰得婦江南謝阿蠻快馬健兒無限恨天教紅粉定燕山

其十九

蓬萊閣上海雲黃用火神機壁壘荒本爲流人營碣石豈知援卒起蕭牆
戈船舊恨東征將牙纛新封右地王辛苦中丞西市骨空將熱血灑扶桑

其二十

雁門西去塞雲愁苜蓿千羣散紫駟築館柔然非戚里置亭張掖豈鴻溝
先機拒戶須防虎故智蹊田恐奪牛都護莫誇勤遠路龍堆吹雪滿并州

其二十一

爲孫

萬里從王擁節旄通侯青史姓名高禁垣遺直看封事絕徼孤忠誓佩刀
元祐黨碑藏北寺辟疆山墅記東臯歸來畊石堂前夢書畫平生結聚勞

鄧元昭奉使江右相遇吳門卻贈

五湖春草隱征筇，畫舫圖書泊晚沙。
人謂相如初奉使，客傳高密且還家。
黑貂對雪潯陽樹，綠酒看山茂苑花。
同去石渠應賜馬，玉河從獵雁飛斜。

題鴛湖閨詠四首

石州螺黛點新妝，小拂烏絲字幾行。
粉本留香泥蛺蝶，錦囊添線繡鴛鴦。
秋風薄素描長卷，春日鳴箏製短章。
江夏只今標藝苑，無雙才子掃眉娘。

其二

休言金屋貯神仙，獨掩羅襖淚泫然。
栗里縱無歸隱計，鹿門猶有買文錢。
女兒浦口堪同仕，新婦磯頭擬種田。
夫婿長楊須執戟，不知世有杜樊川。

其三

絳雲樓閣敞空虛，女伴相依共索居。
學士每傳青鳥使，蕭娘同步紫鸞車。
新詞折柳還應就，舊事焚魚總不如。
記向馬融譚漢史，江南淪落老尙書。

其四

誰吟秋扇繼詞壇，白下相逢吳綵鸞。
才比左芬年更少，壻求韓重遇應難。
玉顏屢見鶯花度，翠袖須愁煙雨寒。
往事只看子薄命，致書知已到長干。

補襖

壬辰上巳蔣亭彥篆鴻陸我謀於鴛湖襖飲余後三日始至同
集有道開師朱子容沈孟陽徵詩以補襖事余分得知字

春風好景定昆池散誕天涯卻誤期
漆消漫舉芳杜晚雒濱須泛羽觴遲
右軍此會仍堪記白傳重游共阿誰
故事襖堂看賜柳年來無復侍臣知

過朱買臣墓

在嘉興東塔雷音閣後卽廣福講院

翁子窮經自不貧會稽連守拜爲眞
是非難免三長史富貴徒誇一婦人
小吏張湯看踞傲故交莊助歎沉淪
行年五十功名晚何似空山長負薪

題朱子葵鶴洲草堂

別業堂成綠野邊養雛丹頂已千年
仙人收箭雲歸浦道士開籠月滿天
竹下縞衣三徑石雪中清嘖五湖田
裴翁舊宅松陰在不數孤山夜放船

題孫銘常畫蘭

誰將尺幅寫瀟湘窮谷無人吹氣香
斜筆點芽依蘚石雙鉤分葉徬篋簾
謝家樹好臨芳砌鄭女花堪照洞房
我欲援琴歌九畹江潭搖落起微霜

送林衡者歸閩

五月關山樹影圓送君吹笛柳陰船征途鷓鴣愁中雨故國桄榔夢裏天
夾深草荒書滿屋連江人去雁飛田無諸臺上休南望海色秋風又一年

送文學博以蒼公招同住中峰寺

二公告雲南人

西風驅雁暮雲哀頭白衝寒到講臺莫問鄉關應路斷偶傳消息又東來
一峰對月茅菴在二老論心石壁開揀取梅花枝上信明朝移向故園栽
雪夜苑先齋中飲博達旦二首

扶杖衝泥逐少年解衣箕踞酒壚邊愁燒絳蠟消千卷愛把青樽擲萬錢
痛飲不甘辭久病狂呼卻笑勝高眠丈夫失意須潦倒劇孟平生絕可憐

其二

相逢縱博且開顏興極歡呼不肯還別緒幾年當此夜狂名明日滿人間
松窗燭影花前酒草閣雞聲雪裏山殘曠豈妨吾作樂儘教游戲一生閑
癸巳春日禊飲社集虎丘卽事四首

楊柳絲絲逼禁煙筆牀書卷五湖船青溪勝集仍遺老白蛤高談盡少年
筍屐鶯花看士女羽觴冠蓋會神仙茂先往事風流在重過蘭亭意惘然

其二

蘭臺家世本貽謀高會南皮話昔游執友淪亡驚歲月諸郎才調擅風流
十年故國傷青史四海新知笑白頭修禊只今添俯仰北風杯酒醉營丘

其三

訪友扁舟挂席輕梨花吹雨五茸城文章興廢關時代兄弟飄零爲甲兵
茂苑聽鶯春社飲華亭聞鶴故園情衆中誰識陳驚座顧陸相看是老成

其四

絳帷當日重長楊都講還開舊草堂少弟詩篇標赤幟故人才筆繼青箱
抽毫共集梁園製布席爭飛曲水觴近得廬陵書信否寄懷子美在滄浪

投贈督府馬公二首

伏波家世本專征畫角油幢細柳營上相始興開北府通侯高密鎮西京
江山傳箭旄旗色賓客圍棋劍履聲勞苦潯陽新駐節舳艫今喜下湓城

其二

十年重到石城頭細雨孤帆載客愁累檄久應趨幕府扁舟今始識君侯
青山舊業安常稅白髮衰親畏遠遊漸慙推賢蕭相國邵平只合守瓜丘

自歎

誤盡平生是一官棄家容易變名難松筠敢厭風霜苦魚鳥猶思天地寬
鼓枻有心逃甫里推車何事出長干旁人休笑桃弘景神武當年早挂冠

登上方橋有感

橋時新修極雄壯望見天壇巔地盡矣

石梁天際偃長壕勢壓魚龍敢遁逃壯麗氣開浮廣術虛無根削插崩濤
秋騰萬馬鞭稍整日出千軍輓餉勞回首泰壇鐘磬遠江流空縹斷垣高

鍾山

王氣銷沉石子岡放鷹調馬蔣陵傍金棺移塔思原廟

金棺爲誌公在鶴鳴寺

玉匣

藏衣記奉常

太常衣冠

楊柳重栽馳道改櫻桃莫薦寢園荒

時當四月

聖公沒

後無坏土姑孰江聲空夕陽

臺城

形勝當年百戰收子孫容易失神州金川事去家還在玉樹歌殘恨怎休
徐鄧功勳誰甲第方黃骸骨總荒丘可憐一片秦淮月曾照降幡出石頭

國學

松柏曾垂講院陰後湖煙雨記登臨桓榮空有窮經志伏挺徒增感遇心
四庫圖書勞訪問六堂絃管聽銷沉白頭博士重來到極目蕭條淚滿襟

觀象臺

候日觀雲倚碧空一朝零落黍離同昔聞石鼓移天上

元移石鼓於大都今見銅

壺沒地中黃道只看標北極赤烏還復紀東風郭公枉自師周髀千尺荒臺等廢宮

鷄鳴寺

鷄鳴寺接講臺基扶杖重游涕淚垂學舍有人鋤野茶僧寮無主長棠梨

雷何舊席今安在支許同參更阿誰惟有誌公留布帽高皇遺筆讀殘碑

寺壁有石刻高顯御筆題贊誌公像

功臣廟

畫壁精靈間氣豪鄂公羽箭衛公刀丹青賜額豐碑壯榮戟傳家甲第高

鹿走三山爭楚漢鷄鳴十廟失蕭曹英雄轉戰當年事采石悲風起怒濤

玄武湖

覆舟西望接陂陀千頃澄潭長綠莎六代樓船供士女百年版籍重山河

禁人游玩湖製黃冊庫平川豈習昆明戰禁地須通太液波煙水不關興廢感夕陽

聞已唱漁歌時已有漁舟非復昔日之禁矣

無題四首

繫艇垂陽映綠潯
玉人湘管畫簾深
千絲碧藕玲瓏腕
一卷芭蕉宛轉心
題罷紅窗歌緩緩
聽來青鳥信沉沉
天邊恰有黃姑恨
吹入蕭郎此夜吟

其二

到處鶯花畫舫輕
相逢只作看山行
鏡因視近螺頻換
書爲香多蠹不成
愧我白頭無冶習
讓君紅粉有詩名
飛瓊漫道人間識
一夜天風返碧城

其三

錯認微之共牧之
誤他舉舉與師師
疏狂詩酒隨同伴
細膩風光異舊時
畫裏綠楊堪贈別
曲中紅豆是相思
年華老大心情減
辜負蕭娘數首詩

其四

鈿雀金蟬籠臂紗
開妝初不鬪鉛華
藏鈎酒向劉郎賭
刻燭詩從謝女誇
天上異香須有種
春來飛絮恨無家
東風燕子知多少
珍重雕闌白玉花

過朱君宣百草堂觀劇

肯將遊俠誤躬耕
愛客村居不入城
亭占綠隲朝置酒
船移紅燭夜鳴箏
金齏斫鱸霜螯美
玉粒呼鷹雪爪輕
主人卻話少年逢社飲
季然心諾是

平生

周櫟園有墨癖嘗蓄墨萬種歲除以酒澆之作祭墨詩友人王紫

崖話其事漫賦二律

含香詞賦擲金聲家住立都對管城萬笏雅應推正直一囊聊復貯縱橫
藏雖黯淡終能守用任欹斜不自平磨耗年光心力短只因耽誤褚先生

其二

山齋清玩富琳琅似壁如圭萬墨莊口啜飲同高士癖頭濡書類酒人狂
但逢知己隨濃澹若論交情耐久長不用黃金費裝裹伴他銅雀近周郎

贈陽羨陳定生

溪山罨畫好歸耕櫻筍琴書足性情茶有一經真處士橘無千緡舊清卿
故御史知交東冶傳鉤黨子弟南皮負盛名卻話宋中登望遠天涯風雨
得侯生定生借侯朝宗在南中幾及鉤黨朝宗歸德人

送李秀州擢甯紹道

楊柳春風起郡樓故人嚴助昔同游煙霞到處推仙吏檠戟今看冠列侯
長水圖書移遠棹大雷笳鼓對清秋閩兵海上應西望秦駐山高卽秀州

梅村家藏藁卷第六終